

千金翼方卷第十八

雜病上

霍亂第一方二十七首

理中圓主霍亂臨時方

人參

白朮

乾薑

甘草

炙各壹兩

右肆味搗篩為末鍊蜜和圓如彈圓取湯和一九服之日
十服吐多痢少者取枳實三枚炙四破水三升煮取一升
和壹圓服之吐少痢多者加乾薑一累吐痢乾嘔者取半
夏半兩洗去滑水貳升煮取壹升和壹圓服之若體疼痛
不可堪者水三升煮棗三枚取一升和一圓服之若吐痢
大極轉筋者以韭汁洗腹腎從背至足踝勿逆即止若體
冷微汗腹中寒取附子一枚炮去皮四破以水貳升煮一
升和一圓服吐痢悉止脉不出體猶冷者可服諸湯補之

厚朴湯 主霍亂面煩方

厚朴 炙

高良薑

桂心

各參兩

右參味咬咀以水陸升煮取二升分再服

四順湯 主霍亂吐下腹痛手足逆冷方

大附子

壹枚去皮破剝片

乾薑

參兩

人參

甘草

炙各壹兩

右肆味咬咀參味以水伍升煮取壹升半分三服

治霍亂吐痢嘔逆龍骨湯方

龍骨

黃連

乾薑

赤石脂

當歸

各參兩

枳實

伍枚

半夏

一升洗

附子

炮去皮破

人參

桂心

甘草

炙各貳兩

右壹拾壹味咬咀以水玖升煮取參升分三服

治霍亂困篤不識人方

雞蘇

壹大把

右壹味以水壹斗煮取叁升分再服

治霍亂轉筋兩臂及脚背脇諸轉筋並主之方
鹽壹升伍合煮作湯漬洗轉筋上按灸良

又方

大麻子壹升擣以水叁升煮取壹升盡服之

又方

香薷壹把水煮令極濃服二三升即差青木香亦佳

治霍亂吐方

丁香拾肆枚以酒伍合煮取貳合頓服之用水煮之亦佳
治霍亂吐痢心煩不止方

猪糞如雞子大壹枚爲末以沸湯壹升和之頓服良不差
更作

又方

梁米粉伍合水壹升半和之如粥頓服瀕更即止

治霍亂轉筋入腹方

雞屎白末以水六合煮取湯服方寸匕

治大便不通噦數口謔語方

厚朴貳兩 大黃肆兩 枳實伍枚

右參味呔咀以水肆升煮取壹升貳合分再服當通不通盡服之

竹筴湯主噦方

竹筴壹升 橘皮 半夏洗各參兩 生薑肆兩 紫蘇壹兩

甘草壹兩

右陸味呔咀以水陸升煮取貳升半分參服

治中風客熱噦方

竹筴肆兩 生米伍合

右貳味以水陸升煮米熟服之

治嘔噦方

蘆根 伍兩

右壹味切以水伍升煮取叁升分三服兼服小兒屎三合良

又方 飲大豆汁壹升止

又方 常服白羊乳壹升

治氣厥嘔噦不得息又主霍亂大豉湯方

香豉 壹升 半夏 洗

生薑 各貳兩切

前胡

桂心 人參

甘草 各壹兩

右柒味咬咀以水伍升煮取貳升分三服勿使冷

傷寒噦而滿者宜視其前後知在何部不利利之愈噦而不

利此湯主之方

橘皮 壹升 甘草 壹尺

右貳味咬咀以水伍升煮取壹升頓服之

噦橘皮湯 主之方

橘皮

通草

乾薑

桂心

甘草炙各貳兩

人參壹兩

右陸味咬咀以水陸升煮取貳升分三服

小半夏湯 主心下痞堅不能飲食胃中喘而嘔噦微寒熱方

生薑

搗兩切以水參升煮取壹升

半夏

伍合洗以水伍升煮取壹升

右貳味合煎取壹升半稍稍服之即止

又方

橘皮肆兩

生薑搗兩

右貳味切以水柒升煮取貳升伍合分三服下喉即差方

差更合

又方

羚羊角屑前胡

人參

橘皮

甘草

各壹兩

右伍味以水陸升煮取貳升分三服

卒噦爪眉頭亦可針此主實噦實噦者醉飽得之虛噦者吐下得之又失血虛後亦得之方

炭末蜜和細細咽少許即差

又方

男噦女人丁壯氣盛者噦其肺俞女子男子噦之

痰瘰第二

方二首

針灸法七首

鑲法十二首

蜀漆圓

主痰瘰連年不差服三七日定差方

蜀漆

知母

白薇

地骨皮

麥門冬

去心

升麻

各伍分

怕山

壹兩半

石膏

貳兩研

香豉

壹合

姜蕤

烏梅肉

鼈甲

各壹兩

甘草

各壹分

右壹拾叁味擣篩為末鍊蜜和圓如梧子空腹飲服拾圓

日再加至貳參拾圓

陵鯉湯 主瘧疾江南瘴瘧方

陵鯉甲

拾肆枚

鼈甲

壹枚

烏賊魚骨

附子

炮各壹兩去皮

恒山

參兩

右伍味咬咀以酒參升漬壹宿未發前稍稍啜之勿絕吐之并塗五心一日斷食過時久乃食

肝瘧令人心色蒼蒼然太息其狀若死刺足厥陰見血

心瘧令人心煩甚欲得清水寒多不甚熱刺足少陰是謂神門

脾瘧令人病寒腹中痛熱則腸中鳴鳴已汗出刺足太陰

肺瘧令人心寒甚熱間善驚如有見者刺手太陰陽明

腎瘧令人悽悽腰脊痛宛轉大便難日昃然手足寒刺足

太陽少陰

胃瘧令人且病寒善飢而不能食支滿腹大刺足陽明太陰

橫脉出血

黃帝問歧伯曰瘡多方少愈者何歧伯對曰瘡有十二種

黃帝曰瘡鬼字何可得聞乎歧伯對曰但得瘡字便愈不得其字百方不愈

黃帝曰瘡鬼十二時願聞之歧伯對曰

寅時發者獄死鬼所為治之以瘡人著罌上灰火一周不令火滅即差

卯時發者鞭死鬼所為治之用五白衣燒作灰三指撮著酒中無酒清水服之

辰時發者墮木死鬼所為治之令瘡人上木高危處以棘塞木竒間即差

巳時發者燒死鬼所為治之令瘡人坐師以周匝然火即差午時發者餓死鬼所為治之令瘡人持脂火於田中無人處

以火燒脂令香假拾薪去即差

未時發者溺死鬼所爲治之令瘡人臨發時三渡東流水即
申時發者自刺死鬼所爲治之令瘡人欲發時以刀刺塚上
使得姓字呪曰若差我與汝拔却即差

酉時發者奴婢死鬼所爲治之令瘡人確梢上捧上卧莫令
人道姓字即差

戌時發者自絞死鬼所爲治之左索繩繫其手脚腰頭即差
亥時發者盜死鬼所爲治之以刀子一口箭一隻灰一周刀
安瘡人腹上其箭橫著底下即差

子時發者寡婦死鬼所爲治之令瘡人脫衣東廂牀上卧左
手持刀右手持杖打令聲不絕瓦盆盛水著路邊即差

丑時發者斬死鬼所爲治之令瘡人當戶前卧頭東向血流
頭下即差

瘡醫並不能救者方

以繩量病人脚圍繞足跟及五指一匝訖截斷繩取所量
得繩置項上著反向背上當繩頭處中脊骨上灸三十壯
即定候看復惡寒急灸三十壯即定北至過發一炊久候
之雖飢勿與食盡日此法神驗男左女右

黃疸第三

論三首 針灸一十法 方二十八首

論曰凡遇時行熱病多必內瘕著黃但用瓜丁散內鼻中令
黃汁出乃愈即於後不復病黃矣常須用心警候病人四肢
身面微似有黃氣須用瓜丁散不得令散漫失候必大危矣
特忌酒麪犯者死

黃疸目黃不除瓜丁散方

瓜丁細末如壹大豆許內鼻中令病人深吸取入鼻中黃
水出差

凡人無故忽然振寒便發黃皮膚黃麴塵出小便赤少大便時閉氣力無異食飲不妨已服諸湯餘熱不除久黃者苦參散主之方

苦參

黃連

黃蘗

黃芩

大黃

瓜丁

葶藶

熬各壹兩

右柒味擣篩為散飲服方寸匕當大吐吐者日壹服不吐者日再亦得下服藥五日知可消息不知可更服之

小半夏湯

治黃疸小便色不異欲自利腹滿而喘不可除熱

熱除必噦噦者

半夏

壹升洗去滑

生薑

半斤

右貳味切以水壹斗煮取貳升分再服

壹法以水柒升煮取壹升半

黃疸身目皆黃皮肉麴塵出方

茵陳

熅把

梔子仁

貳拾肆枚

石膏

壹斤

右參味以水伍升煮貳味取貳升半去滓以猛火燒石膏令赤投湯中沸定服壹升覆取汗周身以粉粉之不汗更服黃疸腹滿小便不利而赤自汗出此為表和裏實當下之宜
大黃湯方

大黃

黃蘗

消石

各肆兩

梔子

拾伍枚擘

右肆味㕮咀以水陸升煮取貳升去滓下消石煮取壹升先食頓服之

茵陳湯主時行黃疸結熱面目四肢通黃乾嘔大便不通小便赤黃似蘗汁腹痛心煩方

茵陳

半夏

洗各貳兩

生薑

肆兩切

大黃

貳兩半

芍藥

白朮

各壹兩兩半

梔子

擘

前胡

各參兩

枳實

炙

厚朴

黃芩

甘草

炙各壹兩

右壹拾貳味㕮咀以水四斗煮取九升柒合分十服

又方 黃蒸汁參升頓服即差

又方 蔓菁子伍升末服方寸匕日三數日驗

又方

黃蒸 麥麩 猪矢各壹升

右參味以水伍升漬一宿旦絞去滓服一升覆取汗出

大茵陳湯 主內實熱盛發黃黃如金色脉浮大滑實緊數者

夫發黃者多是酒客勞熱食少胃中熱或濕毒內熱者故黃

如金色方

茵陳壹兩 大黃 茯苓 前胡 白朮各三兩

黃蘗壹兩 梔子仁貳拾枚 黃芩 枳椇

枳實灸 甘草各貳兩

右壹拾壹味以水玖升煮取參升分服一升得快下

三四日愈

治黃疸病五年以上不差但是湯藥服之即差差已還發者

茵陳

貳斤淨擇去惡草切之

右壹味以水貳斗煮取五升空腹一服二升日三夜一隔日更服之取差止神驗

黃疸變成黑疸醫所不能治方

土瓜根

搗取汁壹升

右壹味頓服之病當從小便出

黃黑等疸方

當歸

參兩

桂心

陸兩

乾棗

壹拾柒枚去核

麥門冬

壹升

大黃

壹兩

茵陳

黃芩

黃耆

壹本無

乾薑

茯苓

芍藥

黃連

石膏

碎

人參

甘草

炙各貳兩

右壹拾伍味以水壹斗煮取參升半分四服

赤苓散 主黑疸身皮大便皆黑方

赤小豆陸拾

茯苓陸銖

雄黃壹銖

瓜丁肆銖

女萎陸銖

甘草貳銖

右陸味以水參升煮豆茯苓取八合擣四味為散和半錢匕服之須臾當吐吐則愈亦主一切黃

茵陳圓 主黑疸身體闇黑小便澀體重方

茵陳壹兩

甘遂壹分

當歸

蜀椒汗各半兩 去目閉口

杏仁去皮尖雙仁熬

大黃

半夏洗各分 葶藶熬

茯苓

乾薑各壹兩

枳實炒咀

白朮熬黃各伍分

右壹拾貳味擣篩為末鍊蜜和圓如梧子大空腹以飲服

參圓日參

濕疸之為病始得之一身盡疼發熱面色黑黃七八日後壯熱熱在裏有血當下去之如狔肝狀其少腹滿者急下之亦

一身盡黃目黃腹滿小便不利方

礬石

伍兩

滑石

伍兩 研如粉

右貳味搗篩為散水服方寸匕日三服先食服之便利如

血已當汗出愈

千金以麥粥汁服

風疸小便數或黃或白洒洒惡寒壯熱好睡不欲動方

生艾

三月三日取一束搗取汁銅器中煎如漆密封之勿令洩

大黃

黃連

凝水石

苦參

葶藶子

栝樓

各等分熬

右陸味搗篩為散以艾煎和為圓如梧子先食飲服伍圓日三可至貳拾圓有熱加苦參渴加栝樓小便澀加葶藶小便多加凝水石小便黃白加黃連大便難加大黃

秦椒散

主膏疸飲少溺多方

秦椒

壹分

瓜丁

半兩

右貳味搗篩為散水服方寸匕日三

秦玉九疸散方

胃疸食多喜飲枳子人主之

心疸煩心心中熱茜根主之

腎疸腎乾莖薺子主之熬

脾疸尿赤出少惕惕恐枯樓主之

膏疸飲少尿多秦椒瓜蒂主之椒作膏

舌疸渴而數便鍾乳主之

肉疸小便白凝水石主之研

髓疸目眵深多嗜卧牡蠣澤瀉主之

肝疸胃熱飲多水激肝白朮主之

右壹拾壹味等分隨病所在加半兩擣篩為散飲服伍分

匕日二稍稍加至方寸匕

論曰夫酒疸其脉浮者先吐之沈弦者先下之酒疸者或無

熱靖言了了腹滿欲吐者宜吐之酒疸心中熱欲嘔者宜吐之酒疸必小便不利其候當心中熱足下熱是其候也酒疸下之久久為黑疸目青面黑心中如啖蒜齏大便正黑皮革搔之不仁其脉浮弱雖黑微黃故知之也

寒水石散

主肉疸飲少小便多白如泚色此病得之從酒方

寒水石

白石脂

栝樓

各五分

知母

菟絲子

桂心

各三分

右陸味搗篩為散麥粥服五分匕日三五日知十日差

酒疸身黃麴塵出牛膽煎方

牛膽

壹枚

大黃

捌兩

芫花

壹升

萸花

半升

瓜丁

叁兩

右伍味以酒壹升切肆味漬之一宿煮減半去滓內牛膽

微火煎令可圓丸如大豆服壹丸日移六七尺不知更服

壹丸臍上吐臍下利或不吐利而痊

酒疸心中懊懣或痛施子湯方

施子拾肆枚枳實參枚大黃貳兩豉半升

右肆味咬咀以水陸升煮取貳升服柒合日三

茵陳湯主黃疸酒疸身目悉黃方

茵陳參兩大黃 黃芩 黃連各貳兩人參半兩

施子仁參柒枚甘草壹兩

右柒味咬咀以水壹斗煮取參升五合分四服

半夏湯主酒癖癢背心脹滿肌肉沈重逆害飲食小便赤黃

此根本虛勞風冷飲食衝心由脾胃客痰所致方

半夏壹升生薑拾兩黃芩壹兩前胡 茯苓各參兩

當歸 茵陳各壹兩枳實灸 大戟 白朮

甘草各貳兩

右壹拾壹味咬咀以水壹斗煮取參升分參服

宛轉圓 凡患黃疸足腫小便赤食少羸瘦方

乾地黄 石斛 白木各貳兩 牡蠣熬 芍藥

芎藭 大黃 小草各兩 甘草各兩

右玖味擣篩為散鍊蜜和圓如梧子飲服四圓日三

茯苓圓 主患黃心下縱橫結堅小便赤是酒疸方

茯苓 茵陳 乾薑各壹兩 半夏洗 杏仁去皮尖雙

商陸半兩 甘遂壹分 枳實伍分 蜀椒貳合汗 白木伍分切熬

右壹拾味擣篩為末鍊蜜和圓如蟬豆叁圓以棗湯下之

夫患黃疸常須服此若渴欲飲水即服伍令散若妨滿宛

轉圓治之五苓散見傷寒中

治黃疸小便赤黃方

前胡 茯苓各壹兩 椒目壹兩 附子半分炮去

茵陳貳兩 昌蒲貳兩

右陸味擣篩為散食以前服一錢七日三服此劑更參服
上二藥

黃疸之為病日晡所發熱惡寒少腹急體黃額黑大便黑溏
洩足下熱此為女勞也腹滿者難療方

滑石

研

石膏

研各伍兩

右貳味為散麥粥汁服方寸匕日三小便極利差

灸黃法

貳拾穴

第十一椎下俠脊兩邊各一寸半灸脾俞百壯

兩手小指端灸手少陰隨年壯

手心中灸七壯

胃管主身體痿黃灸百壯治十差忌針

耳中在耳門孔上橫梁主黃疸

上腭入口裏邊在上縫赤白脉上是針三鏗

舌下俠舌兩邊針鉚

頰裏從口吻邊入往對頰裏去口一寸鉚

上腭裏正當人中及脣針三分鉚

巨闕 上管

右二穴並七壯狂言浪走者灸之差

寅門從鼻頭直入髮際度取通繩分為三斷繩取一分入髮

際當繩頭鉚鉚字未詳
不敢刊正

脊中椎上七壯

屈手大指節理各七壯

中管 大陵 勞宮 三里 然谷 大谿

右八穴皆主黃疸

論曰黃疸之為病若不急救多致於死所以具述古今湯藥灸鉚方法按據此無不差也有人患之皆昏昧不識好惡與

茵陳湯一劑不解亦有惺惺如常身形似金色再服亦然滿
兩日一劑其黃不變於後與灸諸穴乃差瘡上皆黃水出然
此大慎麩肉醋魚蒜韭熟食犯之即死

吐血第四論三首 方三十首

論曰凡吐血有三種有內衄有肺疽有傷胃內衄者出血如
鼻衄但不從鼻孔出是近心肺間津液出還流入胃中或如
豆汁或如蝟血凝停胃中滿悶便吐或去數升乃至一斗得
之於勞倦飲食過常所爲也肺疽者或飲酒之後悶吐血從
吐出或一合半升傷胃者因飲食大飽之後胃中冷則不能
消化便煩悶強嘔吐之物與氣共上衝蹙傷裂胃口血色鮮
赤腹中絞痛白汗出其脉緊而數者爲難治也吐之後體中
但奄奄然心中不悶者輒自愈假令煩躁心中悶亂紛紛欲
吐顛倒不安醫者又與黃土湯阿膠散益使悶亂卒至不救

如此悶者當急吐之

吐方

瓜蒂半兩

杜蘅

人參各壹

右參味擣篩為散服一錢匕水漿無在得下而已羸者小減之吐去青黃或血二三升無苦

生地黄湯

主憂恚嘔血煩滿少氣背脊中痛方

生地黄斤

大棗

伍拾枚

阿膠炙

甘草

炙各參兩

右肆味咬咀以水陸升煮取肆升分為肆服日參夜壹

堅中湯

主虛勞內傷寒熱頻連吐血方

糖參斤

芍藥

半夏洗

生薑

各參兩

大棗

伍拾枚

生地黄

壹斤

右陸味咬咀以水貳斗煮取柒升分柒服日三夜一有甘

草桂心無地黃

治噫止唾血方

石膏肆兩碎

生薑切

麻黃去節

五味子各貳兩

小麥

壹升厚朴炙

半夏洗

杏仁去皮尖雙仁各參兩

右搗味咬咀以水壹斛煮麻黃去上沫內諸藥煮取貳升

五合分再服

又方

伏龍肝

如雞子大兩枚

乾薑

當歸

桂心

芍藥

白芷

阿膠預漬

甘草

細辛

芎藭

壹兩

生地黄

捌兩

吳茱萸

貳升

右壹拾貳味咬咀以清酒柒升水參升合煮取參升半去

滓內膠煎取參升分三服亦治衄血千金各黃土湯主吐血

當歸湯

主吐血方

當歸

黃芩各參兩

乾薑

芍藥

阿膠各貳兩

右伍味咬咀以水陸升煮取貳升分三服日二夜一

伏龍肝湯主吐血并衄血方

伏龍肝半升 乾地黄 乾薑 牛膝略式 阿膠炙

甘草炙各 參兩

右陸味咬咀以水壹斗煮取參升去滓內膠分三服

澤蘭湯主傷中裏急背脇攣痛頻嘔血時寒時熱小便赤黃

此傷於房者方

澤蘭 糖各壹斤 桑白皮參斤根 生薑伍兩切

麻仁壹升 人參 桂心各參兩 遠志貳兩去心

右捌味咬咀以淳酒壹斗伍升煮取柒升去滓內糖未食服壹升日三夜一勿勞動

竹茹湯主吐血汗血大小便出血方

淡竹茹貳升 當歸 黃芩 芎藭

甘草

炙各兩半

人參

芍藥

桂心

白朮

各壹兩

右玖味以水壹斗煮取三升分四服日三夜一

治吐血唾血或勞發或因酒發方

當歸

羚羊角

屑乾地黄

小薊根

柏枝

炙

阿膠

炙

乾薑

各參兩

白芍藥

白朮

各肆兩

伏龍肝

如雞子研

亂髮

如鷄卵燒

竹筴

壹升

蒲黃

伍合

甘草

貳兩

右壹拾肆味以水貳斗煮取五升五合去滓下膠消

盡下髮灰蒲黃分五服

吐血自治不差療十十差神驗不傳方

地黄汁

半升

大黃生末

十一方

右貳味煎地黄汁三沸內大黃末調和空腹服之日二血

即止神良

治吐血方

服桂心末方寸匕日夜可二十服

治身體暴血鼻口耳目九孔皮膚中皆漏血方

取新生犢子未食草者有屎暴乾燒末水服方寸匕日四五服立差

生地黄湯主衄血方

生地黄

黃芩

各壹兩

柏葉

壹把

阿膠

炙

甘草

炙各兩

右伍味咬咀以水柒升煮取叁升去滓內膠煎取二升五合分三服

又方

生地黄

叁斤切

阿膠

炙兩

蒲黃

陸合

右叁味以水伍升煮取叁升分三服

治鼻口瀝血三升氣欲絕方

龍骨細節一棗核許微以氣吹入鼻中即斷更出者再吹之取差止

又方

細切葱白擣絞取汁瀝鼻中一棗許即斷慎酒肉五辛熱麩生冷等

阿膠散

主衄血不止方

阿膠炙

龍骨

當歸

細辛

桂心

各壹兩

蒲黃

伍合

亂髮

參兩燒灰

右柴味擣篩為散先食飲服方寸匕日三服三劑差亦可

蜜圓酒服

伏龍肝湯

主鼻衄五藏熱結或吐血衄血方

伏龍肝

雞子大壹枚

生地黃

壹斤切

生竹筴

壹升

芍藥

當歸

黃芩

芎藭

桂心

甘草 炙各 貳兩

右玖味以水壹斗參升煮竹茹減三升內藥煮取三

升分三服 千金無 桂心

乾地黄圓 主失血虛勞背腹煩滿痛血來藏虛不受穀嘔逆

不用食補中治血方

乾地黄 兩參 厚朴 炙

乾漆 熬

枳實 炙

乾薑

防風

大黃

細辛

白朮 各壹兩

前胡 壹兩半

人參

茯苓 各伍分

蟪蟲 去翅 足熬

塵蟲 熬各拾伍枚

當歸

黃芩

麥門冬 去心

甘草 炙各 貳兩

右壹拾捌味擣羅為末鍊蜜和圓如梧子先食酒服五丸

日三

論曰凡下血者先見血後見便此為遠血宜服黃土湯先見便後見血此為近血宜服赤小豆當歸散人病雖一得病之

始不同血氣強弱堪否次第是以用藥制方隨其淺深取其能堪為方不一各取所宜也**黃土湯方**

竈中黃土斤甘草炙 乾地黄 白朮

附子炮去皮 阿膠 黃芩各參

右柒味咬咀以水捌升煮取貳升分温三服亦主吐血

赤小豆當歸散方

赤小豆參升浸令牙出暴乾 當歸參兩

右貳味擣篩為散漿服一方寸匕日三

續斷止血湯 主先便後血此為近血方

續斷 當歸 阿膠炙 桔梗 桂心各參

芎藭 乾薑 乾地黄各 蒲黃壹升 甘草壹兩

右壹拾味咬咀以水壹斗煮取伍升伍合去滓下膠消盡

入蒲黃分為三服

伏龍肝湯 主先見血後便轉此為遠血方

伏龍肝伍合 乾地黄伍兩 髮燒屑貳合 阿膠參兩

黃芩 牛膝 槲朮炙

甘草各貳兩

右玖味咬咀以水壹斗煮取三升去滓下膠及髮屑消盡

分三服

下血方

牛角腮炙 當歸 龍骨 乾薑 熟艾各參兩

蜀椒壹兩 附子壹枚 黃連伍合 升麻壹兩 大棗貳拾枚

厚朴炙 赤石脂 芍藥 石榴皮 甘草各貳兩

右壹拾捌味咬咀以水壹斗伍升煮取四升去滓內牛角

腮末阿膠消以綿絞去滓分七服日四夜三千金有

橘皮有

治小便出血方

龍骨細粉末之温湯服方寸匕日五六服

又方 以酒參升煮當歸四兩取壹升頓服之

治尿血方

車前葉切伍升水壹斗煮百沸去滓內米煮為粥服之
凡憂恚絕傷吐血骨痛虛勞地黃煎方

生地黃伍斤搗絞取汁

右壹味微火煎三沸內白蜜壹升又煎三沸服之日三

治亡血脫血鼻頭白色唇白去血無力者方

生地黃拾斤

右壹味搗以酒壹斗絞取汁令極盡去滓微火煎減半內
白蜜伍升棗膏壹升以攪之勿止令可丸下之酒服如雞
子壹圓日叁次服不已老而更少萬病除愈

論曰凡亡血吐血衄血愈後必湏用此二方補服三四劑乃可平復不爾恐有大虛及婦人崩中血亦同此方

肖中熱第五方二十七首

寒水石湯 主身中大熱肖心煩滿毒熱方

寒水石伍兩 澤瀉

茯苓

前胡

黃芩

各參兩

柴胡

牛膝

白朮

甘草

各參兩

杏仁

貳拾粒去皮尖雙仁

右壹拾味咬咀以水壹斗煮取貳升分參服

治熱氣上衝不得息欲死不得眠方

白薇

檳榔

白石英

研

枳實

白鮮皮

麥門冬

去心

郁李仁

去皮

貝母

各貳兩

天門冬

去心

桃仁

伍分去皮尖雙仁熬

車前子

茯神

各貳兩

人參

前胡

杏仁

去皮尖雙仁熬

橘皮

各壹兩

桂心

半兩

右壹拾柒味擣篩為末鍊蜜和圓如梧子大竹葉飲下十

圓日貳服加至叁拾圓

竹葉飲子方

竹葉切

紫蘇各壹升

紫苑

白前

甘草

各壹兩

百部

貳兩

生薑

叁兩切

右柒味咬咀以水壹斗煮取叁升温以下圓盡更合

龍膽圓

主身體有熱羸瘦不能食方

龍膽

苦參

黃連

黃芩

各貳兩

大黃

叁兩

黃蘗

李子仁

去皮

枯樓

青蘗子

各壹兩

右玖味擣篩為末鍊蜜和圓如梧子大先食飲服柒圓日

二不知增之

升麻湯

主強壯身有大熱熱毒流四肢骨節急痛不可忍腹

中煩滿大便秘澀無聊賴方

升麻

枳實

梔子仁

黃芩

各叁兩

香豉

壹升

大黃

肆兩

杏仁

壹升去皮尖雙仁

生薑

肆兩

生地黄

拾兩

人參

甘草

炙各貳兩

右壹拾壹味咬咀以水壹斗貳升煮豉三沸去豉內藥煮取叁升半分四服日三夜一又主歷節腫

又方

升麻

大黃

各肆兩

前胡

梔子

各叁兩

右肆味咬咀以水玖升煮取叁升分三服

含消圓

主胃中熱口乾方

茯苓

五味子

甘草

炙各壹兩

烏梅

去核

大棗

去核各貳兩

右伍味擣篩為散別擣梅棗令熟乃合餘藥更和擣五百杵圓如彈子大含之咽汁日三夜二任性分作小圓

半夏湯

主胃中客熱心下煩滿氣上大小便難方

半夏

洗

生薑

各捌兩切

前胡

茯苓

各肆兩

白朮

伍兩

黃芩 壹兩

杏仁 去皮尖 雙仁熬

枳實 炙各 參兩

人參

甘草 炙各 貳兩

右壹拾味 咬咀 以水壹斗 煮取參升 旦服 若胃中大煩熱者 冷服 大便難澀者 加大黃參兩

前胡湯

主胃中逆氣 痛徹背 少氣不食 方

前胡

半夏 洗

芍藥

甘草 炙各 貳兩

桂心 略壹

生薑 切 三兩

黃芩

人參

當歸 各壹 兩

大棗 參拾枚 去核

竹葉 壹升 切

右壹拾壹味 咬咀 以水壹斗 煮取三升 分三服

又方

前胡

人參

生薑 切

麥門冬 去心

錫 各參 兩

桂心

黃芩

當歸 各壹 兩

大棗 參拾枚 去核

半夏 洗

茯苓

芍藥

甘草 炙各 貳兩

右壹拾參味 咬咀 以水壹斗 肆升 煮取參升 分三服

前胡湯 主寒熱嘔逆少氣心下堅彭亨滿不得食寒熱消渴
補不足方

前胡

朴消

大黃

黃芩

甘草

炙各二兩

茯苓

當歸

半夏

芍藥

滑石

洗

石膏

碎

栝樓

附子

炮去皮

麥門冬

法

人參

各壹兩

生薑

臠兩切

右壹拾陸味以水壹斗貳升煮取陸升分陸服

前胡建中湯

主大勞虛劣寒熱嘔逆下焦虛熱小便赤痛客

熱上熏頭痛目赤骨內痛及口乾皆悉主之方

前胡

參兩

芍藥

當歸

茯苓

桂心

各肆兩

人參

生薑

白糖

半夏

黃耆

各陸兩

甘草

壹兩炙

右壹拾壹味以水壹斗貳升煮取四升去滓內糖分

為肆服

厚朴湯 主腹滿發熱數十日方

厚朴

剝兩

枳實

伍枚

大黃

肆兩

右參味咬咀以水壹斗貳升煮取伍升內大黃煮取三升分三服主腹中熱大便秘不利

五石湯 主骨間熱熱痛間不除煩悶口中乾渴方

寒水石

滑石

龍骨

牡蠣熬

栝樓

赤石脂

黃芩

甘草

各伍分

知母

桂心

石膏

大黃

各參分

右壹拾貳味擣麤節之以水七升煮取參升分四服日三夜一

竹葉湯 主五心熱手足煩疼口乾脣乾背脊中熱方

竹葉切

小麥舂壹

人參

壹兩

石膏

碎參兩

生薑

伍兩切

知母

黃芩

茯苓

麥門冬

各貳兩
去心

括樓

半夏洗

甘草灸各壹兩

右壹拾貳味，以水壹斗貳升，煮竹葉小麥，取捌升，去滓，內諸藥，煮取叁升，分三服。

犀角湯

犀角湯

主熱毒流入四肢，歷節腫痛方。

犀角

貳兩

羚羊角

壹兩

豉

壹升

梔子

擘

黃芩

射干

各叁兩

大黃

升麻各肆兩

右玖味，以水壹斗，煮取三升，分三服。

承氣湯

主氣結，胃中熱，在胃管，飲食嘔逆方。

前胡

梔子灸

桂心

寒水石

大黃

知母

甘草

灸各壹兩

消石

石膏

括樓

各貳兩

右壹拾味，擣篩為散，以水貳升，煮藥五方寸匕，取壹升五

合，分貳服。

半夏湯 主逆氣心煩滿嘔吐氣方

半夏洗 生姜各壹斤切 茯苓 桂心各伍兩

右肆味咬咀以水壹升煮取參升分三服日三服若少氣

加甘草貳兩一名小茯苓湯

療熱骨蒸羸瘦煩悶短氣喘息兩鼻孔張日西即發方

龍膽 黃連 括樓各壹兩 梔子貳拾枚 青箱子

苦參 大黃 黃芩 芍藥 芒消各半兩

右壹拾味擣篩為末鍊蜜和丸如梧子大飲服十九日二

以知為度

療積年久患熱風方

地骨皮 萎蕤 丹參 黃耆 澤瀉

麥門冬各叁兩去心 清蜜 薑汁各壹合 生地黄汁貳升

右玖味咬咀以水陸升煮藥減壹升內蜜薑汁煮兩沸壹

服三合日再大驗

又方

羚羊角

伍兩

生葛

梔子

各陸兩

豉

續升

黃芩

乾薑

芍藥

各參兩

鼠尾草

貳兩

右捌味咬咀以水柒升煮取二升半分三服

又方

枳實

參兩

黃連

貳兩

黃芩

芒消

各參兩

右肆味擣篩為末鍊蜜和圓如梧子飲服參拾圓日三稍加至四十九

生地黄煎主熱方

生地黄汁

肆升

生地骨皮

生天門冬

生麥門冬汁

白蜜

各壹升

竹葉

生薑汁

各參合

石膏

捌兩

栝樓

伍兩

茯神

萎蕤

知母

各肆兩

右壹拾貳味，以水一斗二升，先煮藥取三升，去滓，內地黃、麥門冬汁，微火煎五沸，次內蜜薑汁，煎取六升，下之服，四合，日二夜一，稍加至五六合。

治膈上熱方

茯苓

麥門冬去心

甘草各壹斤炙

生地黄陸拾斤切

右肆味，搗三味為散，內地黃合搗，暴乾，搗篩為散，酒服，方寸匕，日三候，食了服之，久服補益明目。

治腹中虛熱，舌本強直，頸兩邊痛，舌上有瘡，不得咽食方。

柴胡

升麻

梔子仁

芍藥

通草各肆兩

黃苓

大青

杏仁各叁兩

生薑切

石膏各捌兩碎

右壹拾味，以水壹斗二升，煮取六升，分六服。

頭痛身熱及熱風方

竹瀝

升麻各叁升

防風

生薑切

杏仁去皮尖雙仁各叁兩

芍藥

柴胡

各肆兩

石膏

碎

生葛

各捌兩

右玖味以水壹斗煮取四升分四服日三夜一服以姜為度

治臍上熱方

苦參

拾兩

玄參

叁兩

麥門冬

去心

車前子

各叁兩

右肆味擣節為末鍊蜜和圓如梧子以飲服十五圓日二食後服

壓熱第六

方壹拾叁首論壹首

金石凌主服金石熱發醫所不制服之立愈方

上朴消

壹斤

上芒消

壹斤

石膏

肆兩

凝水石

貳兩

右肆味熟沸水伍升漬朴消芒消令消澄一宿旦取澄消安銅器中麤擣寒水石石膏內其中仍內金五兩微火煎之頻以筋頭柱看著筋成凌雲瀉置銅器中留暑水盆中

凝一宿皆成凌停三日以上皆乾也若熱病及石發皆以
蜜水和服半雞子大

七水凌主大熱及金石發動金石凌不制者服之方

朴消 伍斤

芒消

叁斤如
雪者肆

滑石 壹斤

玉泉石 壹斤

石膏 壹斤

鹵鹹

伍斤如
變者

凝水石

壹斤如
雪者

右柒味各別擣麤節

凍凌水

伍升

霜水

壹升

雪水

壹升

露水

伍升

寒泉水

伍升

雨水

壹升

東流水

伍升

右柒味澄令清銅器中內上件七味散極微火煎取柒升

一宿澄清內瓷坩中淨處貯之以重帛繫口一百二十日

皆如凍凌狀成如白石英有八稜成就或大如筋有長一

尺者名曰七水凌有人服金石發熱者以井華水和五分

匕服之一服極熱即定傷寒發熱服一匕圭小兒發熱與

麻子許不可多用神驗買藥不得爭價皆上好者合藥以臘月臘日為上合時以清淨處先齋七日不獲穢污喪孝產婦之家及不得令雞犬六畜生婦六根不完具及多口饒言人見之不信敬人勿與服之服藥得熱退之後七日乃慎酒肉五辛等物勿復喜惡口刑罰仍七日齋戒持心清淨

紫雪王脚氣毒遍內外煩熱口生瘡狂叫走及解諸石草熱藥毒發卒熱黃等瘡疫毒最良方

金壹斤

寒水石

石膏

磁石各壹斤並碎斤

右肆味以水壹石煮取肆斗去滓內後藥

升麻

壹升

玄參

壹斤

羚羊角

屑

青木香

犀角

屑

沈香

各伍兩

丁香

肆兩

甘草

捌兩

右捌味咬咀於汁中煮取一斗去滓內消石四升朴消精

者四升於汁中煎取柒升投木器中朱砂粉三兩麝香粉半兩攪令相得寒之二日成於霜雪紫色強人服三分匕服之當利熱毒老小以意增減用之一劑可十年用之

玄霜主諸熱風熱氣熱瘴熱瘡惡瘡毒內入攻心熱悶服諸石藥發動天行時氣溫疫熱入腑藏變成黃疽蛇螫虎咬狐狼毒所咬毒氣入腹內攻心熱須利病出用水三四合和小兩攪令消服之兩炊久當快利兩行即差小兒熱病服棗許大即差方

金伍拾兩

寒水石陸斤

研如粉磁石叁斤

石膏伍斤

右肆味以兩斛水煮取六斗澄清

升麻

玄參各壹斤

羚羊角捌兩

犀角肆兩

青木香肆兩 沈香伍兩

右陸味切內上件汁中煮取二斗澄清

朴消末

芒消各陸

麝香當閉子

壹兩

右參味內汁中漬一宿澄取清銅器中微微火煎取壹斗
二升以匙抄看疑即成下經一宿當凝為雪色黑耳若猶
濕者安布上日乾之其下水更煎水凝即可停之如初畢
密罌貯之此藥無毒又主毒風脚氣熱悶赤熱腫身上熱
瘡水漬少許綿貼取點上即差頻與兩服病膈上熱食後
服膈下熱空腹服之卒熱淋大小便不通服一兩元有患
熱者皆宜服之

論曰凡諸霜雪等方皆據曾服金石大藥藥發猛熱非諸草
藥所能制者則用之若非金石發者則用草藥等湯散方制
之不得雷同用霜雪方若用之則傷於太冷於後腰脚疼痛
乃更後為所患其消息之

虛煩心悶方

竹葉湯

主胃虛陽氣外蒸洩津液口乾體吸吸苦渴氣喘嘔

逆涎沫相連方

竹葉

切伍升

小麥

壹升

麥門冬

去心

知母

茯苓

各叁兩

石膏

碎兩

芍藥

栝樓

澤瀉

人參

甘草

各二兩

右壹拾壹味咬咀以水二斗煮竹葉小麥取一斗去滓內藥煮取肆升分四服

厚朴湯

主久積痰冷脅痞滿不受食飲渾渾欲吐血室空虛客陽通之令脉緊數重熱水蒸汗漏如珠四肢煩痛唇口乾燥渴升水漿方

厚朴

炙

半夏

洗

茯苓

白木

略四兩

枳實

四枚

芍藥

黃耆

各一兩

生薑

八兩

麥門冬

去心

桂心

伍合

人參

甘草

各二兩

右壹拾貳味咬咀以水一斗伍升煮取五升分四服

竹葉湯

主下氣胃中煩悶亂氣逆補不足方

竹葉

壹把

粳米

麥門冬

心去

半夏

洗各一升

人參

當歸

各一兩

生薑

壹斤切

右柒味咀以水壹斗伍升煮竹葉生薑取斗內諸藥

煮取八升分十服日三夜二

云水八升煮取二升半服八合

烏梅湯

主下氣消渴止悶方

烏梅

二柒枚大者

香豉

壹升

右貳味以水壹斗煮烏梅取五升去滓內豉煮取三升分

三服可常用之

大酸棗湯

主虛勞煩悸奔氣在胃中不得眠方

酸棗仁

伍升

人參

茯苓

生薑

切

芎藭

桂心

各二兩

甘草

炙一兩半

右七味咀以水一斗二升煮棗仁取七升去滓內諸藥

黃取參升分三服

大棗湯 主虛煩短氣氣逆上熱下冷背滿方

大棗

參拾枚

石膏

碎兩

白薇

前胡

人參

防風

各二兩

桂心

甘草

各壹尺

右捌味咬咀以水柒升煮取三升分三服

竹根湯

主短氣欲絕不足以息煩撓益氣止煩方

竹根

小麥

粳米

麥門冬

各壹升

大棗

拾枚

甘草

二兩

右陸味咬咀以水壹斗煮米麥令熟去之內諸藥煮取二

升七合分二服日三不能服者以綿漚口中

酸棗湯

主傷寒及吐下後心煩乏氣不得眠方

酸棗仁

四升

麥門冬

壹升

乾薑

芎藭

茯苓

知母

甘草

各貳兩

右柒味咬咀以水壹斗貳升煮棗仁取壹斗去之內諸藥
煮取叁升分三服

白薇散 主虛煩方

白薇

乾薑

甘草

各壹兩

栝樓

貳兩

消石

叁兩

右伍味各別擣先內甘草臼中次內白薇次內乾薑次內
栝樓次內消石擣三千杵篩和冷水服方寸匕日三

千金翼方卷之十八

千金要方卷之六

其書云大醫家書三十卷在隋一

自和合而後其內其書即中

十中

莫身

古和

千金翼方卷第十九

雜病中

消渴第一

方二十二首

葵根湯主一年渴飲一石以上小便利若飲酒渴傷寒渴皆

悉主之方

霜下葵根皮

壹握長肆寸

右一味以水一斗煮取三升分三服取差止

又方

栝樓根

甘草

各貳兩

黃連

壹升

右三味咬咀以水五升煮取二升五合分三服

茯苓湯

主胃反吐而渴方

茯苓

捌兩

澤瀉

肆兩

生薑

切

桂心

白朮

各參兩

甘草

壹兩

右六味以水一斗煮小麥三升減二升去麥肉諸藥
煮取二升五合服八合日再

消渴師所不能治之方

生栝樓

致斤去皮細切
搗絞汁令盡

上好黃連

致兩搗絹
羅為末

右二味以上件汁搜黃連如硬麩細擘日暴令乾搗之絹
篩更漉如前日暴搗一依前法往反汁盡暴令乾搗篩鍊蜜
和飲服如梧子十九日三加至二十九病愈止百日慎生
冷醋滑酒五辛肉麪油膩永差無生者乾者九斤切以水
二斗煎取一斗和之如生者法

桑根湯

主日飲一石水方

桑根白皮

切伍升入地冬尺
者良灸令黃黑

右一味以水與根亦不限多少煮以味濃為度適寒溫飲
之任性多少切慎鹽

猪肚 治消渴方

猪肚 壹枚治 黃連 伍兩

栝樓 肆兩

麥門冬 肆兩

知母 肆兩無以

右伍味為散內猪肚中線縫安置醜中蒸之極爛熟接熟木臼中擣可丸若硬加少蜜和丸如梧子飲服參拾九日再漸加至肆拾伍拾圓渴即服之

葛根 主消渴方

葛根

栝樓 各叁兩

鈆丹 貳兩

附子 壹兩

右四味擣篩為末鍊蜜和圓如梧子飲服十圓日三服治日飲壹石水者春夏減附子

大黃 主消渴小便多大便秘方

大黃 壹斤

栝樓

土瓜根 各捌兩

杏仁 五合去皮

右肆味破大黃如碁子冷水漬一宿蒸暴乾擣篩為末鍊

蜜和圓如梧子大以飲服伍圓日參以知為度

酥蜜煎 主消渴方

酥 壹升

白蜜 壹升

芒消 貳兩

右三味合煎欲渴即啜之日六七益氣力神效

羊髓煎 主消渴口乾濡咽方

羊髓 貳合無即以酥代之

白蜜 貳合

甘草 壹兩炙切

右參味以水參升煮甘草取壹升去滓內蜜髓煎令如飴含之盡復含

酥蜜煎 主諸渴方

酥 壹升

蜜 壹升

右貳味合煎令調和一服貳升當令下利藥出明日更服壹升後日更服壹升即瘥慎酒及諸鹹等

茯苓煎 主諸消渴方

茯苓

貳斤

白蜜

肆升

右貳味於銅器中重釜煎以兩莖薤白為候黃即煎熟先食服如雞子大日三

主之方

防已散

主消渴肌膚羸瘦或乃轉筋不能自止小便不禁悉

木防已

壹兩

栝樓

鈔丹

黃連

各貳兩

右肆味搗篩為散先食以苦酒壹升以水貳升合為漿服方寸匕日三服訖當強飲極令盈溢一日再服則憎水當不欲飲也

大渴百方療之不瘥方

鈔丹

胡粉

栝樓

甘草

各貳兩半

澤瀉

石膏

赤石脂

白石脂

各伍分

右捌味搗篩為散水服方寸匕日參壯人壹七半壹年病

一日愈二年病二日愈渴甚者夜兩服腹痛者減之圓服亦佳一服十圓傷多則腹痛也

治口乾燥方

酸棗

壹升半 去核

酸石榴子

伍合末

烏梅

伍拾枚 去核

麥門冬

肆兩 去心

茯苓

叁兩 半

覆盆子

葛根

各叁兩

石蜜

肆兩

桂心

壹兩 陸銖

栝樓

叁兩

右壹拾味搗篩為末鍊蜜和圓如酸棗大含之不限時節以口有津液為度忌如藥治



主男子五勞七傷消渴不生肌肉婦人帶下手足寒

執方 巴郡太守奏

春三月

黃芩

肆兩

大黃

叁兩

黃連

肆兩

夏三月

黃芩

陸兩

大黃

壹兩

黃連

柒兩

秋三月

黃芩

陸兩

大黃

貳兩

黃連

叁兩

冬三月 黃芩 冬兩

大黃 伍兩

黃連 貳兩

右參味隨時合擣為末鍊蜜和如大豆飲服伍圓日參不知稍增至柒圓服一月病愈久服行及奔馬嘗試有驗

鈇丹散 主消渴方

鈇丹 貳兩

栝樓 捌兩

茯苓

甘草 各一兩半

麥門冬 捌兩

去心

右伍味擣篩為散旦以漿服方寸匕日貳

膀胱冷小便數多每至夜偏甚方

雞腸

伍具治如食法

羊腎

壹具去脂並乾為末

赤石脂

陸兩

龍骨

冬兩

菝葐

肆兩

黃連

伍兩

桂心

貳兩

右柒味擣篩為散酒服方寸匕半日再服伍日中可作羊

湯灸一劑十日外可作羊肉臠香味如常食飽與之

尿黃牡蠣主內消小便數方

牡蠣

伍兩熬

右壹味以患人尿叁升煮取貳升分再服

治渴利方

豆壹升醋拌蒸暴乾
叁拌叁暴叁蒸熬

黃連壹斤如
金色者

右貳味擣篩為末鍊蜜和圓如梧子飲服叁拾圓日貳稍
加至肆拾圓神驗

大病後虛羸不足成渴方

取柒歲以上伍歲以下黃牛新者乳壹升以水肆升煎取
壹升適寒温稍稍飲之不得過多拾日服之不住佳一云
渴即飲不限多少

又方

取自死雞大者壹枚以叁升半白湯捉脚到細細淋之叁
柒遍拔毛置於湯中毛盡去毛取汁澄清湯即任性飲之
飲盡即愈其雞故殺作藥不過柒日其病倍發以後百藥

不可差慎之慎之

栝樓散 主消渴延年益壽方

栝樓

枸杞根

赤石脂

茯苓

各壹兩半

天門冬

貳兩半去心

牛膝

乾地黄

各叁兩

桂心

菊花

麥門冬

去心 菖蒲

雲母粉

澤瀉

卷柏

山茱萸

遠志

去心 五加皮

杜仲

炙 瞿麥

續斷

石斛

黃連

柏人

石韋

去毛

忍冬

各壹兩

菟絲

車前子

蛇牀子

巴戟天

鍾乳

研

署預

甘草

炙各伍分

右參拾貳味擣篩為散酒服方寸匕日參肆亦可圓服拾

圓日參

淋病第二

方二十首

治血淋熱淋方

以非示莖燒令熟以手熟按熱掩尿處冷即易之可六七
度差

治熱淋方

白茆根 肆斤

右壹味切以水壹斗伍升煮取伍升每服壹升日叁夜貳
治石淋方

車前子貳升絹袋貯以水捌升煮取叁升頓服之須臾當
下石子宿勿食服之良

又方

常煮冬葵根作飲服之石出

關格不通方

芒消 伍兩

芍藥 肆兩

杏仁 肆兩 雙入 去皮尖

麻子仁 叁兩

枳實 壹兩 灸

大黃 半斤

乾地黃 貳兩

右柒味咬咀以水柒升煮取參升分參服一方用烏梅榆白皮各伍兩無枳實此黃

治淋方

車前子壹把 榆白皮壹握 亂髮如雞子大燒之取灰

右參味以水陸升煮取參升分再服

又方

黃芩肆兩

右壹味咬咀以水伍升煮取貳升分參服亦主血

治淋方

榆白皮切壹升 車前子切伍升 葵子壹升 滑石捌兩

通草捌兩 赤蜜壹升

右六味咬咀以水參升煮取柒升去滓下蜜更煎取參升

分參服

治尿白稠方

露蜂房燒灰服方寸匕煮汁服亦佳

治小便不通方

滑石 貳兩

葵子 壹兩

榆白皮 壹兩

右參味為散濃煮麻子汁壹升半取壹升以貳方寸匕和

服兩服即通

治小便不通方

內薑黃末如豆許大小便孔中即通

又方

通草

猪苓 去皮

桑白皮 略

右參味咬咀以水陸升煮取貳升分貳服

治丈夫女人胞轉不得小便八九日方

滑石 壹斤

寒水石 壹兩

葵子 壹升

右參味以水壹斗煮取伍升盡服即利

又房散 主小便多或不禁方

菟絲子貳兩 蒲黃參兩 黃連參兩 消石壹兩 肉蓯蓉貳兩

右五味并雞臍腔中黃皮參兩為散服方寸匕日參行參

肆里又服壹方用五味子參兩

治小便不利膀胱脹水氣流腫方

水上浮萍乾末服方寸匕日三

治小便不禁多日便壹貳斗或如血方

麥門冬捌兩 茯苓貳兩 甘草壹兩 乾薑肆兩

桂心貳兩 乾地黄捌兩 續斷貳兩

右采味咬咀以水壹斗煮取貳升伍合分參服

又方

鹿茸長參 躑躅壹升 桂心壹尺 韭子壹升

附子參枚炮 澤瀉參兩

右陸味為散服伍分七日三稍加至壹寸匕漿水服之差
治大小便不通

當歸

叁斤

大戟

壹斤

牛膝

叁斤

右參味切以水伍升煮取貳升以大豆伍升煎令汁盡豆
乾初服參枚以通為度

濡藏湯

王大小便不通六七日腹中有燥屎寒熱煩迫短氣

汗出腹滿方

生葛根

貳斤

猪膏

貳升

大黃

壹兩

右參味咬咀以水柒升煮取伍升去滓內膏煎取三升澄
強人頓服羸人再服

霹靂煎方

好濃酒

壹盞

鹽

壹大錢

右貳味和於鐺內文火煎攪勿住手可圓得就鐺圓如小

繭大內肚腸中不過參必通如不通者數盡也神效酒當

水腫第三 方二十六首并五不治證

凡水腫有五不治

一 面腫蒼黑是肝敗不治 二 掌腫無文理是心敗不治

三 腹腫無文理是肺敗不治 四 陰腫不起是腎敗不治

五 臍滿腫反者是脾敗不治

猪苓散 主虛滿通身腫利二焦通水道方

猪苓去皮 茯苓 葶藶熬 人參 五味子

防風 澤瀉 狼毒 玄參 乾薑

白朮 桂心 椒目 大戟 遠志去心

甘草炙各半兩 女麴炙 小豆貳合 葶藶貳分

右壹拾玖味擣篩為散酒服方寸匕日叁夜壹老小服壹

錢匕日叁以小便利為度

治百病諸荒邪狂走氣痞冷病歷年黃黑大腹水腫小兒丁
奚瘡疾經年霍亂中惡蜚尸及暴疾皆悉主之方

芫青

巴豆

土去心
皮熬

斑猫

各逐拾枚
去翅足熬

天雄

炮去
皮

乾薑

各半
兩

烏頭

炮去
皮

細辛

蜀椒

汗去目
閉口者

附子

炮去
皮

躑躅

黃苓

桂心

各壹
兩

右壹拾貳味細切以絹袋中盛酒壹斗漬拾日去滓服半
合日參以知為度暴滓作散酒服半錢匕日參強人壹錢
傷寒中温濕冷頭痛拘急寒熱瘧發頭風皆須服壹錢匕
厚覆取汗初服當吐清汁三四升許又主心疝婦人無子
服之煩悶不堪者飲冷水壹升即解

蒲黃酒主通身腫此風虛水氣亦主異腫方

蒲黃

小豆

大豆

格壹

右參味以酒壹斗煮取參升分參服

商陸酒主風水腫方

取商陸切壹升以酒貳升漬叁宿服壹升當下者減之
從半升起日叁盡更合服

又方

取大豆壹升以水肆升煮取貳升去滓內上酒壹升合煎
取壹升隨能杯飲之日叁服常令有酒勢

茯苓圓主水脹大甄主簿與康公處得效方

茯苓

白朮

椒目

各壹兩

葶藶子

壹兩半蒸

桂心

叁分

芒消

澤瀉

木防已

各伍分

甘遂

叁分

赤小豆

前胡

堯花

各半兩熬干
金作堯花

右壹拾貳味擣篩為末鍊蜜和圓如梧子蜜湯服伍圓日
壹稍加以知為度

漢防己煮散

主水腫上氣方

楷澄
秘之

漢防已

澤漆葉

石韋去毛

桑白皮

澤瀉

丹參

茯苓

橘皮

白木各參

生薑拾兩

郁李仁伍兩

通草壹兩

右壹拾貳味擣篩為散以水壹升染合內肆方寸匕煮取捌合頓服日貳小便利為度

第一之水先從面目腫遍一身名曰青水其根在肝大戟主之

第二之水先從心腫名曰赤水其根在心葶藶主之

第三之水先從腹腫名曰黃水其根在脾甘遂主之

第四之水先從脚腫上氣而欬名曰白水其根在肺藁本主之

第五之水先從足跌腫名曰赤水其根在腎連翹主之

第六之水先從面至足腫名曰玄水其根在膽芫花主之

第七之水先從四肢起腹滿大身盡腫名曰風水其根在胃

澤漆主之

第八之水先四肢小其腹腫獨大名曰石水其根在膀胱桑根白皮主之

第九之水先從小腸滿名曰果水其根在小腸巴豆主之

第十之水乍盛乍虛乍來乍去名曰氣水其根在大腸赤小豆主之

右十病皆藥等分與病狀同者則倍之白蜜和先食服壹圓如小豆日叁飲下病者服叁圓弱者當以意節之

治宿食流飲寒熱温病水腫

郁李仁

拾枚
熟研

粳米

叁合研
令中斷

右貳味以水肆升合煮取貳升頓服此粥日叁度作服之人強用十五枚羸者五六枚不知者稍加以知為度

炙鯉魚主腫滿方

取鯉魚長壹尺伍寸以尿漬令沒宿平旦以木從口貫之

至尾灸令黃熟去皮宿勿食頓服之不能者再服令盡神方
男女新久腫得惡暴風入腹婦人新產上溷清風入臍腹中
如馬鞭者噓吸短氣欬嗽一味大豆煎方

大豆

壹斗擇
令淨

右以水五斗煮之得壹斗參升澄清去下濁者內釜中以
壹斗半美酒內汁中煎取玖升宿勿食日服參升溫覆取
汗兩食頃當下去風氣腫減慎風冷十日平復如故除日
服之若急不可待除日逐急令服合時於清淨無人處令
童子壹人視之不用六畜婦人見之自度身中腫未盡更
服參升差不了了者勿服也神驗千金不傳

又方

楮皮葉

壹大
束

右壹味切以水壹斗煮取伍升去滓服之不過參面腫乃

減錐得瘥常可服之千金指鼓皮葉壹大束切後取汁隨多少釀酒日服酌為佳後同

葇苳圖 治水氣腫鼓脹小便不利山連治葇苳司業得差司業

姪雲表所送云數用神驗

葇苳子 壹升 殺羊肺 壹具青羊亦佳

右貳味湯微燥肺即薄切之暴乾擣末以三年大醋浸葇苳子一伏時出之熬令變色熟擣如泥和肺末蜜和擣作圓食後一食久服如梧子肆圓麥門冬飲服之以喉中乾口粘浪語為候數日小便大利即瘥

麥門冬飲法

麥門冬 貳拾伍枚去心

粳米 貳拾伍粒

右貳味以大合參合羊水煮之米大熟去滓以下圓藥每服常作

有人虛肌積年氣上似水病眼似腫而脚不腫方

穀楮葉 捌兩

右壹味以水壹斗煮取陸升去滓內米煮粥亦以當水煮羹等皆用之秋時多收以擬經冬用其水多少濃淡任人勿拘此方慎蒜麩猪雞魚油膩重者參年服之永瘥輕者壹年瘥

治水腫方

葶藶子 陸兩 桂心 貳兩

右貳味搗篩為末鍊蜜和圓如梧子飲服拾圓日二慎如前法忌口味

麻豆煎 主大腹水腫方

大麻 壹石未入密

赤小豆 壹石不得

右貳味取新精者仍淨揀擇以水淘暴令乾蒸麻子使熟暴令乾貯淨器中欲服取伍升麻子熬之令黃香惟須緩

火勿令焦細擣取末以水五升研取汁令盡淨器密貯之
明旦欲服今夜以小豆壹升淨淘漬之至曉乾漉去水以
新水煮未及好熟即漉出令乾內麻子汁中煮令大爛熟
為佳空腹恣意食日參其陳鬱麻子益增其病慎勿用之
一切水腫皆忌飽食常須少飢後有灸三里絕骨作魚羹
法見千金中

苦瓠圓主大水頭面遍身大腫滿方

苦瓠白穰實捻如大豆粒

右壹味以麩裏煮一沸空腹吞七枚午後出水壹升參肆
日水自出不止大瘦即差參年慎口味苦瓠須好無壓齧
者不爾有毒不堪用

檳榔圓主水腫方

檳榔

桂心

栝樓

麻黃

土節

杏仁

去尖
雙仁熬

茯苓

椒目

白木

略參

附子

炮去皮

吳茱萸

伍合

厚朴

灸

乾薑

黃耆

海藻

無一本

木防已

葶藶

熬

甘草

炙各貳兩

右壹拾柒味擣篩為末鍊白蜜和圓如梧子飲服貳圓日

參加至肆圓不知又加貳圓可至拾貳圓此主老小水腫

虛腫大病客腫乍喘者用之佳二云忌海藻必恐無此一味

風水通身腫欲裂利小便方

防風

猪苓

去皮

澤瀉

去節

茯苓

各肆兩

黃耆

參兩

澤漆

白木

各伍兩

杏仁

去皮尖

大戟

各壹兩

獨活

捌兩

酒

壹斗

大豆

貳升

以水柒升

右壹拾參味咬咀以豆汁及酒合煮取柒升分陸柒服日

壹夜令盡當小便極利為度

澤漆散湯 主水通身洪腫四肢無堪或從消渴或從黃疸支

飲內虛不足榮衛不通血氣不化氣實皮膚中喘息不安腹
中嚮嚮脹滿眼不得視方

澤漆根 拾兩

赤小豆 貳升

茯苓 參兩

鯉魚

壹枚重伍斤者淨去腸胃

生薑 捌兩

人參

麥門冬 去心

甘草

各貳兩

右八味以水壹斗柒升煮鯉魚豆減柒升去之內藥煮取
肆升伍合去滓壹服三合日三弱人二合日再服氣下喘
止可至肆合晬時小便利腫氣減或小澹下若小便大利
還從壹合始大利止若無鯉魚鮑魚亦可若水甚不得卧
卧不得轉側加澤漆壹斤渴加栝樓貳兩欬加紫苑貳兩
細辛壹兩欬久壹兩桂心參兩增魚汁貳升

大豆湯

主風水通身大腫眼不得開短氣欲絕或欬數方

大豆 壹斗

烏頭 炮去皮

黃耆

澤瀉

各參兩

杏仁

壹升去皮尖雙仁

半夏

陸兩洗

茯苓

白朮

各伍兩

生薑

剉兩

麻黃

去節

猪苓

去皮

防風

木防已

各肆兩

甘遂

甘草

各兩

酒

壹升

右壹拾陸味以水肆斗先煮豆取壹斗去豆內藥及酒合
煮取柒升日肆夜參得快利小便為度腫減便任不必盡
劑若不得利小便者加生大戟壹升葶藶貳兩半無不快
也萬不失一

麻黃湯

主風濕水疾身體面目腫不仁而重方

麻黃

肆兩
去節

甘草

貳兩
炙

右貳味以水伍升煮取參升分參服重覆日移貳丈
汗出不出更合服之慎護風寒皮水用之良

治水腫方

以苦瓠穰壹枚以水壹石煮壹炊久去滓煎令可圓服如
大豆小便利後作小豆羹乃飲食之

又方

葶藶伍兩 熬

牽牛子

澤瀉

昆布洗

海藻洗

猪苓去皮各 參兩

右陸味末之鍊蜜和圓如梧子大飲服拾伍圓日參

石膽圓

主足脛腫小便黃盲痛煩車骨筋解開痛方

石膽研

吳茱萸

天雄炮去 皮

芫花熬

柏仁各壹 分

防風

蕘花熬

杜仲各 參分

菖蒲

葶藶各 壹兩 熬

菟絲子參合

右壹拾壹味擣篩為末鍊蜜和為圓如蟬豆以飲服參圓

日貳

淡飲第四

方一十四首

治淡飲頭痛往來寒熱方

常山壹兩

雲母粉貳兩

右貳味擣節為散熱湯服壹方寸匕吐之止吐不盡更服
杜蘅湯主吐自病方

杜蘅

松蘿各叁兩

瓜蒂貳柒枚

右叁味切以水酒各壹升貳合漬貳宿去滓分再服若服已即吐者止不吐者更服之每服相去如人行十里欲令藥力盡飲壹升稀粥便定老小用之亦佳千金云酒壹升貳合漬貳宿

蜜煎主寒熱方

赤蜜伍合

常山肆兩

甘草半兩炙壹法貳兩

右叁味咬咀以水壹斗煮取貳升去滓內蜜溫服柒合吐則止不吐更服柒合勿飲冷水

又方

蜜貳合

醋捌合

右貳味調和旦頓服須更猥猥然欲吐摘之若意中不盡

明旦更服無毒不大嘔吐其藥安穩

葱白湯 主冷熱膈淡發時頭痛悶亂欲吐不得方

葱白貳柒切 桃葉壹把 烏頭炮去 真珠

常山 甘草灸各半兩

右陸味咬咀以酒肆升水肆升合煮取參升去滓內真珠服壹升得吐止

松蘿湯 主胃中淡積執皆除之方

松蘿貳兩 烏梅貳柒 常山叁兩 梔子貳柒 甘草伍兩灸壹

右伍味咬咀以酒叁升漬壹宿旦以水叁升合煮取貳升伍合分再服得快吐便止不要頓盡貳服也

又方

松蘿壹兩 烏梅叁柒 常山 甘草各貳兩灸

右肆味咬咀以酒叁升漬壹宿煮取貳升服壹升取吐止

大五飲圓 主五種飲壹曰留飲停水在心下貳曰滯飲水滯在兩脇下參曰淡飲水在胃中肆曰溢飲水溢在膈上五藏間五曰流飲水在腸閒動搖有聲夫伍飲者皆由飲後傷寒飲冷水過多所致方

遠志去心 苦參 藜蘆 白朮 烏賊骨

甘遂 大黃 石膏 半夏洗 紫苑

桔梗 前胡 芒消 栝樓 五味子

菹蓉 貝母 桂心 芫花熬 當歸

人參 茯苓 芍藥 大戟 葶藶熬

黃芩各一兩 附子炮去皮 常山 厚朴炙 細辛

署預 甘草各一分 巴豆參拾枚去心皮熬

右參拾參味擣篩為末鍊蜜和圓如梧桐子大酒服參圓

日參稍加之

前胡湯 主胃中久寒滯實宿痰隔塞胃痛氣不流利二焦冷熱不調食飲減少無味或寒熱體重卧不欲起方

前胡

久參

大黃

當歸

甘草

各兩

黃芩

防風

麥門冬

去心

吳茱萸

各壹兩

半夏

參兩

生薑

肆兩

杏仁

參拾枚去皮尖兩仁

右壹拾貳味以水壹斗煮取參升分參服日參

白朮茯苓湯

主胃中結痰飲滯結臍下弦滿嘔逆不得食亦

主風水方

白朮

茯苓

橘皮

當歸

各參兩

附子

炮去皮貳兩

半夏

洗

生薑

切

桂心

各肆兩

右捌味以水壹斗貳升煮取參升分為參服日參服

參

齊佳

深師方有細辛壹味一作人參

薑椒湯

主胃中積聚痰飲飲食減少胃氣不足欬逆嘔吐方

生薑汁參合汗去

日開口者

半夏參兩

洗

橘皮貳兩

各

茯苓

桔梗

桂心

附子炮去

甘草壹兩

各

右玖味咬咀以水柒升煮取貳升伍合去滓內薑汁煎取貳斗分參服服兩劑佳若欲服大散諸五石圓必先服此方乃進黃耆圓輩必佳

半夏湯

主淡飲滯氣吞酸方

半夏參兩

洗

生薑陸兩

切

附子壹枚

炮

吳茱萸參兩

熬

右肆味咬咀以水伍升煮取壹升伍合分參服日參老小服半合

薑附湯

主淡滯氣方

生薑捌兩

切

附子肆兩

生去

皮肆破

右貳味以水捌升煮取貳升分肆服日貳亦主卒風大良論曰凡淡飲盛吐水無時節其源為冷飲過度遂令痼冷脾

胃氣羸不能消於食飲食飲入胃皆變成冷水反吐不停者

赤石脂散 主之方

赤石脂 叁斤

右壹味擣篩為散服方寸匕日叁酒飲並可下之稍稍漸加至叁匕服盡叁斤則終身不吐水又不下利補五藏令肥健有人淡飲服諸藥不瘥惟服此壹斤即愈

癖積第五 方壹拾肆首

大五明狼毒圓 主堅癖或在人胃或在心腹方

狼毒 乾地黄 熬各肆兩 杏仁 叁拾枚去皮尖雙仁

巴豆 貳拾枚去皮心熬 乾薑 桂心 各壹兩半 旋復花

芫花 熬 莽草 各半兩 細辛 五味子 蜀椒 汗去目閉口者

漆頭藺茹 各壹兩 人參 附子 炮去皮 大黃

厚朴 灸 木防已 菴蓉 當歸 半夏 洗各貳兩

右貳拾壹味搗篩為末鍊蜜和圓如梧子大以飲服貳圓日貳夜壹以知為度

小狼毒圓 主病與前方同

狼毒參兩

附子炮去皮

半夏洗

白附子各壹兩

漆頭簡茹

旋復花各貳兩

右陸味擣為末鍊蜜和更杵伍千杵圓如梧子飲服參圓

日貳稍加至拾圓

礬石圓 主積聚癥堅不能食方

礬石伍兩

雄黃研

人參各壹兩

杜蘅

桂心略壹兩

前胡

藜蘆各參分

大黃貳兩

乾薑貳兩

皂莢半兩炙

丹參各貳兩

半夏洗

附子炮去皮

巴豆去皮

烏頭炮去皮

右壹拾伍味擣篩為末鍊蜜和圓如小豆服貳圓日貳可

至肆圓

治癰癖乃至鼓脹方

取烏牛尿壹升微火煎如稠糖空腹服大棗許壹枚當鳴
轉病出隔日更服忌口味

又方 只人尿叁升煎取壹升空腹服如牛尿法

芒消湯主暴癰堅結方

木防已白木

鬼臼各壹兩半

芍藥

當歸各貳兩

大黃叁兩

蜈蚣炙

蜥蜴炙各壹兩

甘草壹兩

右壹拾壹味咬咀以水柒升煮取貳升去滓下芒消分為

叁服日叁

治卒暴癰方

蒜拾片去皮伍月

桂心壹尺

伏龍肝鴨知大壹枚

右叁味合擣以淳苦酒和之如泥塗著布上掩病處叁日

消千金云凡蒜或無蒜亦得用也

又方

取商陸根搗蒸之以新布藉腹上以藥鋪布上以衣覆上冷即易取差止數日之中晨夕勿息為之妙

三稜草煎主癥癖方

三稜草切取壹石

右壹味以水伍石煮取壹石去滓更煎取參斗於銅器中重釜煎如稠糖出內密器中旦以酒壹盞服壹匕日貳服每服常令酒氣相續

療十年痲癖方

桃仁去皮尖雙仁熬

豉乾暴去皮熬

蜀椒去目閉口

乾薑搗篩各

參搗篩各

兩

右肆味先搗桃仁如膏合搗千杵如乾可入少蜜和搗令可圓如酸棗大空腹酒服二圓日叁仍用熨法○取新盆壹口受壹斗者鑽底上作叁拾餘孔孔上布椒參合椒上

布鹽鹽上安紙兩重上布冷灰壹升冷灰上安熱灰壹升
熱灰上安熟炭火如雞子大常令盆大口熱底安薄檀其
口以板蓋上以手捉勿令落仰卧安盆於腹上逐病上及
痛處自捉遣移熨之冷氣及癥結皆從下部中作氣出矣
日壹易椒鹽滿三七日百病皆瘥乃止

江寧衍法師破癖方

白朮

枳實炙

柴胡各叁兩

右參味咬咀以水伍升煮取貳升分叁服日叁可至叁拾
劑求瘥

醫胃湯主胃中心下結堅食飲不消方

大黃

壹兩

枳樓

貳兩

甘草

貳兩

甘遂

壹兩

黃連

陸兩

右伍味咬咀以水伍升煮取貳升伍合分叁服

三台圓

主五藏寒熱積聚臏脹腸鳴而噫食不作肌膚其著

嘔逆若傷寒瘧已愈令不復發食後服伍圓飲多者吞拾圓
長服令人大小便調和長肌肉方

大黃

貳兩 熬

熟消石

各壹兩 熬

茯苓

半兩

厚朴

灸

前胡

附子

炮去皮

半夏

洗

細辛

各壹兩

杏仁

壹兩 去皮 尖雙仁 熬

右壹拾味搗篩為末別搗杏仁如脂次內藥末鍊蜜相和
令得所更搗伍千杵圓如梧子大酒服伍圓稍加以知為度

大桂湯 主虛羸背膈滿方

桂心

壹斤

半夏

壹升 洗

黃耆

肆兩

生薑

壹兩 切

右肆味以水壹斗肆升煮取伍升分伍服日三夜貳

寒冷第六

方九首

鹿骨湯 主虛勞風冷補諸不足之憊少氣方

鹿骨

壹具 剉

茯苓

壹兩

防風

芍藥

人參

當歸

龍骨

黃耆

各貳兩

桂心

厚朴炙

乾薑

獨活

甘草

各炙

右壹拾肆味咬咀以水叁斗先煮骨取壹斗澄取清內藥
煮取叁升伍合分肆服日再

大桂皮湯

主氣逆又胃寒熱往來吸吸短氣惡聞人聲諸煩

酸疼欬逆不能飲食飲食不生肌肉溺黃裏急絞痛氣上衝
發欬胃管有熱雷鳴相逐寒冷厥逆傷損五藏語言難喜直
視大便難方

桂心陸兩

當歸

細辛

黃芩

各貳兩人參伍兩

厚朴炙

枳實炙

芍藥

芎藭

各三兩黃耆肆兩

麥門冬法吳茱萸

半夏洗各壹升

蜜伍合

附子

壹枚炮去皮

生薑貳斤

五味子

飴各半斤

甘草

陸兩

右壹拾玖味咬咀擣生薑取汁叁升以水貳斗煮藥取陸
升去滓微火上煎內薑汁蜜飴攪相得煮取陸升壹服壹

升日二

大半夏湯 主胃中虛冷滿塞下氣方

半夏壹升洗

生薑捌兩

桂心伍兩

蜀椒叁百粒去目開口汗

茯苓

枳實貳兩

大棗貳拾枚擘

附子炮去皮破

當歸

人參

厚朴炙

甘草炙各壹兩

右壹拾貳味 以水壹斗 煮取叁升 分叁服

茱萸湯 主風冷氣腹中虛冷急痛飲食不消心滿少腹裏急

引痛手足逆冷胃中嚮嚮乾噫欲吐吐逆短氣方

吳茱萸貳升

小麥

半夏洗各壹升

生薑拾伍兩

大棗伍拾枚擘

桂心三兩

人參

黃芩

甘草炙各貳兩

右玖味 以水壹斗 貳升 煮取肆升 分為肆服 壹服壹

升日再

茱萸湯 主男子虛熱寒冷婦人寒勞氣逆及胃腹苦滿而

急繞臍痛寒心吞酸手足逆冷臍四邊堅悸氣踊起胃中虛冷口中多唾或自口乾手足煩苦渴濕痺風氣動作頑痺不仁骨節盡痛腰背如折惡寒大呼即驚多夢夢見鬼神此皆五藏虛方

吳茱萸貳升半夏壹升生薑壹斤芍藥 桂心各叁

大棗拾貳枚人參 黃芩 甘草各貳兩

右玖味㕮咀以水壹斗貳升先煮棗棗極沸乃內諸藥煮取肆升服捌合日叁

烏頭當歸湯主虛勞損骨滿痛攣急短氣面黃失色頭眩心煩夢寤失精寒氣支節疼又兩腋不得喘息喘息輒牽痛逆害飲食悉主之方

烏頭炮去獨活 芍藥 蜀椒去目開白朮

人參各貳兩厚朴肆兩桂心伍兩麥門冬法細辛各壹兩

吳茱萸壹升當歸

生薑切

甘草

炙各貳兩

右壹拾肆味咬咀以水壹斗參升煮取肆升壹服柒合日參烏頭炮令黃乃用之

澤蘭子湯

主傷中裏急兩脇攣痛久致欬嗽四肢寒熱小便

赤黃飲酒困卧長風百脉開張血痺不仁夢寤失精脣口乾燥奄然短氣方

澤蘭子

半夏洗

麻仁各壹升

大棗

貳拾枚

糖壹斤

人參

茯苓

細辛

各貳兩

遠志去心

桂心

龍骨

甘草

炙各壹兩

右壹拾貳味咬咀以水壹斗貳升煮取四分肆服日參夜壹

瀉脾湯

主胃心逆滿牽引腰背疼痛食飲減少方

桂心

乾薑

枳實

炙

甘草

炙各兩

羌花壹分

茯苓貳兩

大黃半兩

半夏洗

人參

桔梗

麥門冬各伍分

右壹拾壹味咬咀以水壹斗煮取參升分參服

人參湯

主養神補益長肌肉能食安利五藏通血脉調氣方

人參

乾薑

黃耆

芍藥

細辛

甘草各壹兩

右陸味咬咀以水肆升煮取壹升捌合壹服參合

飲食不消第十

方一十七首

論一首

太一白圓

主八痞兩脇積聚有若盤子血昏痛徹背奄奄惻惻

裏急氣滿噫項強痛極者耳聾消渴洩痢手足煩或有流腫小便苦數淋瀝不盡不能飲食少氣流飲時復悶寒少腹寒大腸熱恍惚喜忘意有不定五緩六急食不生肌肉面目顴黑方

狼毒

桂心

各半

烏頭

炮去

附子

炮去

芍藥

各壹兩

右伍味搗篩為末鍊蜜和更搗參千杵圓如梧子大旦以酒服貳圓暮參圓知熱止令人消穀長肌強中久服大佳

雅簡五柔圓

主補虛寒調五藏和榮衛通飲食消穀長肌肉

茯苓

細辛

芍藥

半夏洗

當歸各壹兩

茯苓

葶藶

熬各此

柴胡

參兩

大黃

壹斤

右玖味搗篩為末鍊蜜和更搗萬杵圓如梧子大以飲服伍圓稍漸加至拾伍圓以調為度有憂氣者加松子仁壹

兩千金用

允身重不能食心下虛滿時時欲下喜卧者皆先針胃管太倉服建中湯及服此平胃圓必差方

杏仁

伍拾枚去皮尖雙仁者熬

大黃

肆兩

葶藶

熬

麥門冬去心

玄參

苦參

丹參

各貳兩

沙參

壹兩

人參

當歸

芎藭

五味子

桂心

各壹兩

右壹拾叁味擣篩為末鍊蜜和圓如梧子空腹酒服伍圓

日貳以知為度

崔文行平胃圓

主百病消穀五勞七傷平胃氣令人能食小

兒亦患冷者減大黃倍乾薑小便利者生用葶藶方

菖蒲

大黃

葶藶熬

小草

芍藥

當歸

桂心

乾薑

茯苓

麥門冬去心

芎藭

細辛

各貳兩

甘草

貳兩半炙

右壹拾叁味擣篩為末鍊蜜和圓如梧子空腹以酒服伍

圓日再

千金方七味

調中五參圓

主十年嘔手足煩羸瘦面黃食不生肌膚傷飽

食不消化方

人參

丹參

沙參

苦參

玄參

防風

蜀椒

去目開口者
各壹兩汗

附子

炮去皮

乾薑

各半兩

葶藶

一合
熬

大黃

肆兩

巴豆

去心
皮熬

麩蟲

熬各伍
拾枚

右壹拾叁味擣篩為末鍊蜜和圓如小豆大空腹飲服貳

圓日叁服蒸大黃於伍升米下及熱切之日暴乾

消穀圓

主數年不能飲食方

小麥蘗

七月七日麴

各壹

乾薑

烏梅

各四兩

右肆味擣篩為末鍊蜜和圓如梧子大空腹酒服拾九日

再稍加至叁拾圓其寒在背脊中及反胃番心皆瘥

三部茯苓圓

主三焦上中下焦合為三部二焦道閉塞不通

留水在膈上不消化名曰淡水積年不去雖服藥下之不能

便去雖得小去隨復如故其病面目黧黑手足逆冷身體枯

燥肌膚甲錯身無潤澤吸吸羸瘦或已嘔吐或大便燥或復

重下起止甚難久或絞痛雷鳴時時下痢者悉主之方

茯苓柴分 大黃

白木各壹兩半 芎藭

桔梗各伍分

前胡 乾地黃

神麴各貳兩半 乾薑

桂心各壹兩

人參

芍藥

黃芩

菖蒲各參分

右壹拾肆味擣篩為末鍊蜜和圓如梧子食後飲服拾圓日再

大桂枝圓

主參焦受寒寒在中焦即滿噫氣吞酸或咽中不

下中冷胃不可下食食已或滿不消痛上搶心結食拘痛時

時洩痢不食温温如醉方

桂心

附子炮去客

芍藥

當歸柴分

蜀椒去目閉口者

人參壹兩

乾薑

前胡各貳分

特生礬石壹分

右玖味擣篩為末鍊蜜和圓如梧子大空腹飲服拾圓日三

小桂枝圓

主胃中冷虛滿醋咽婦人產後寒中腹內雷鳴吞

醋飲食不消方

桂心貳兩

乾薑玖分

蜀椒去目閉口者貳兩

烏頭去皮七分

附子壹兩半炮去皮

前胡伍分

芎藭

白薇各壹兩

防葵半兩

吳茱萸壹兩半

右壹拾味搗篩為末鍊蜜和圓如梧子酒飲任性服叁圓

日叁

大黃甘草圓

主久寒背脇支滿憂思傷損奔氣膈氣腸中虛

冷呼吸短氣不得飲食淡氣腫聚輒轉上下眩冒厥絕顏色恍惚夢寤不定羸瘦萎黃經年不起方

大黃

甘草炙

桂心

桔梗各貳兩

白斂

茯苓各半兩

附子炮去皮

芎藭

阿膠炙

澤瀉

防風

署預

石斛

芍藥

乾薑

紫苑

黃芩

蜀椒汗去目者

白木各壹兩

當歸

人參

茯苓

乾地黄

山茱萸

麥門冬去心各壹兩半

右貳拾伍味搗篩為末鍊蜜和圓空腹酒下如梧子大拾

圓日參稍加至參拾圓

附子圓

主背膈中寒温不和心下宛宛痛逆害飲食氣滿噓
吸乾噫吞酸背脊中冷兩脇急痛腹中有冷水抑抑作聲繞
臍痛頭眩滿悶身體羸瘦方

附子炮去

皮去

人參

各貳兩

芎藭

半兩

乾薑

貳兩

礬石

壹兩

皂莢

灸去

半夏

洗

桂心

礬石

各伍分

吳茱萸

茯苓

黃芩

各二

當歸

細辛

蜀椒

汗去目

芍藥

各壹兩

麥門冬

心法

甘草

各壹兩

右壹拾捌味擣篩為末鍊蜜和圓如梧子未食酒服貳圓

日三

人參圓

主百病三蟲疔瘕成魚鼈蝦蟇令人面目枯無潤澤

精寒勞瘦方

人參

龍膽

杏仁

去皮尖及

與礬石

各貳兩

曾青 叁分 黃石脂 壹兩

右陸味搗篩為末錫和為圓如梧子飲服貳圓日三亦可
作散服一刃主服藥二日白蟲下十日長蟲下有蟲皆相
隨下耐藥者二十日乃下

乾薑 主胃中冷不能食或食已不消方

乾薑 拾兩 赤石脂 陸兩

右貳味搗篩為末鍊蜜和圓如梧子服拾圓日三稍加至
叁拾圓服不限食前食後

白朮 主消穀下氣神驗方

白朮 厚朴 炙 人參 茯苓

吳茱萸 陳麴 麥蘖 芎藭 各叁兩

右捌味搗篩為散食後酒服方寸匕日二

治虛勞冷飲食不消勞倦噫氣脹滿憂恚不解人參散方

人參

茯苓

陳麴

厚朴炙

麥蘖

白朮

吳茱萸

各貳兩

檳榔

捌枚

右捌味搗篩為散食後酒服方寸匕日貳服

密豆散

主脾氣僻弱不下食服此以當食方

大麻子

參升熬香末

大豆黃

味壹

右貳味和飲服壹合日四五任性多少

乾薑散

主不食心意冥然不憶食方

乾薑

乾豉

神麴

蜀椒

汗去目開口署

大麥蘖

右伍味各壹升搗篩為散食後酒服方寸匕日三以食為度

論曰凡人食生冷雜物或寒時衣薄當風食不消化或夜食

冷卧心腹脹滿煩急或連日不差者燒地令熱以席布上厚

覆取汗便愈其地沃水去大熱又坐卧於上一月日求差凡

食過飽煩悶但欲卧腹脹熬麴末令香酒服一方寸匕日五

六服大麥蘗益佳

雜療第八

方法一百二十首

鐵屑炒使極熱投酒中飲之療賊風瘧又裹以熨服療胡臭有驗

石灰療金瘡止血大效若五月五日採繁萋葛葉鹿活草槲葉芍藥地黃葉蒼耳青蒿葉合搗石灰爲團如雞卵暴乾末以療瘡生肌大神驗

桑薪灰療黑子脫贅用煮小豆大下水腫

青蒿灰燒蒿作之於灰燒木葉作之並堪蝕惡肉東壁土摩乾濕癬極有效

茺蔚葱搗傳丁腫服汁使丁腫毒內消又下子死腹中主產後血脹悶諸毒腫丹油等腫取汁如豆滴耳中主聾耳中虺蛇毒傳之良

莎草根名香附子大下氣除胃腹中熱

艾主下血衄血膿血痢水煮及圓散任用

草蒿生按付金瘡大止血生肉止疼痛良

羊桃取根煮以洗風痒及諸瘡腫

羊蹄主赤白雜痢又療蠱毒

蚤休醋磨療癰腫蛇毒

苧根安胎貼熱丹毒腫濕苧汁主消渴

蓖麻葉油塗炙熱熨顙上止血尤驗

甘蕉根搗汁服主產後血脹悶傳腫去熱毒

松花名松黃拂取酒服輕身療病勝皮葉及脂松取枝燒其

上下承取汁名諸主牛馬瘡疥柏枝節煮以釀酒主風痺歷

節燒取諸療癰疥及癩瘡良

牡荊葉主久痢霍亂轉筋血淋下部瘡濕匿薄脚主脚氣腫

滿其根水煮服主心風頭風肢體諸風解肌發汗

槐八月斷大枝使生嫩蘆煮汁釀酒療大風痿痺

槐耳主五痔心痛婦人陰中瘡痛枝炮熨止蝎毒

檳榔人主腹脹生擣末服利水穀道傳瘡生肌肉止痛燒爲灰主口吻白瘡

桑椹主消渴葉水煎取濃汁除脚氣水腫利大小腸

鼠李木皮主諸瘡寒熱毒痺子採取日乾圓蒸酒漬服貳合日再能下血及碎肉除疔痕積冷氣大良

杉材水煮汁浸捋脚氣滿服之療心腹脹痛出惡氣

檉皮煮汁以療水及斷疔取嫩葉按貼火爛瘡有效

茨菰煮枝汁和作粥甚美以飼小兒殺虻虫藥子主破血止

疔消腫除蠱疰蛇毒

柳木枝及木中蟲屑枝皮主痰熱淋可爲吐湯煮洗風腫痒

煮令呈齒痛木中蟲屑可爲浴湯主風瘙痒癢胗大效

梓口皮王吐逆胃反去三蟲小兒熱瘡身頭熱煩蝕瘡湯洗之并封傳嫩葉主爛瘡

枳椇苗藤切以酒浸服或以釀酒去風冷癢癬亂髮灰療轉胞小便不通赤白痢噎噎臯衄癰腫狐尿刺尸疰下腫骨疽雜瘡

人乳取首生男乳療目赤痛多淚解獨肝牛肉毒合豉濃汁服之神效又和雀屎去目赤努肉

人屎主諸毒卒惡熱黃悶欲死者新者最效須與水和服之其乾者燒之煙絕水漬飲汁傷寒熱毒水漬飲彌善破丁腫開以新者封之一日根爛

屎主卒血攻心被打內有瘀血煎服壹升又主癥積滿腹諸藥不瘥者服之皆下血片塊二十日即出也亦主久嗽上

氣失声溺逆白燒研末主緊唇瘡溺坑中竹木主小兒齒
不生正旦刮塗之即生

熊膽療時氣熱盛亦多為黃疸暑月久痢甘蜜心痛注忤腦療
諸聾血療小兒客忤脂長髮令黑悅澤人面酒鍊服之差
風痺

羊膽療疳濕時行熱燥疽瘡和醋服之良

羊肺療渴止小便數并小豆葉煮食之

羊腎合脂為羹療勞利其效蒜薤食脂壹升療癥瘕

羊屎煮湯下灌療大人小兒腹中諸疾疳濕大小便不通燒
之熏鼻主中惡心腹刺痛熏瘡療諸瘡中毒痔瘻等骨蒸
彌良

羊肝療肝風虛熱目赤暗無所見生子肝七枚神效療頭風
眩瘦疾小兒驚癇骨療同血主女人中風血虛悶產後血

運悶欲絕者生飲壹升即活牛鼻中木卷療小兒癩草卷
燒之爲屑主小兒鼻下瘡耳中垢主蛇傷惡或毒臍中毛
主小兒久不行白牛懸蹄主婦人崩中漏下赤白屎主霍
亂屎中豆主小兒癩婦人產難特牛莖主婦人漏下赤白
無子烏牛膽主明目及甘濕以釀槐子服之腦主消渴風
眩齒主小兒驚癇尿主消渴黃疸水腫脚氣小便不通馬
毛主小兒驚癇白馬眼主小兒魁母帶之屎中粟主金瘡
小兒客忤寒熱不能食絆繩主小兒癩並煮洗之

狗骨灰主下痢生肌傅馬瘡烏狗血主產難橫生血上搶心
下頷骨主小兒諸癩陰卵主婦人十二疾爲灰服之毛主
產難白狗屎主丁瘡水絞汁服主諸毒不可入口者

鹿頭主消渴筋主勞損續絕骨主虛勞可爲酒主風補虛髓
脂主癰腫死肌温中四肢不隨風頭通腠理角主猫鬼中

惡心腹疰痛血主狂犬傷鼻衄折傷陰痿補虛止腰痛齒
主留血氣鼠瘻心腹痛

虎屎主惡瘡眼睛主癩屎中骨爲胥主火瘡牙主丈夫陰瘡
及疽瘦鼻主癩疾小兒驚癇

狸屎灰主寒熱鬼瘡發無期度者極驗家狸亦好一名猫也
兔皮毛合燒爲灰酒服主產難後衣不出及餘血捨心欲死
者頭皮主鬼疰毒氣在皮中如針刺者又主鼠瘻膏主耳聾
駱駝毛蹄甲主婦人赤白帶下最善

猪耳中垢主蛇傷猪腦主風眩腦鳴及凍瘡血主奔豚暴氣
中風頭眩淋瀝乳汁主小兒驚癇病乳頭亦同發汗十二
月上亥日取肪脂內新瓦器中埋亥地百日主癰疽腦脂
一升著雞子拾肆枚更良

獺四足皮主手足腫瘰

狐肉及腸作臃食之主疥瘡久不差者腸主牛疫燒灰和水
灌之

白雞距及腦主產難燒灰酒服之腦主小兒驚癇

鵝毛主小兒驚癇極者又燒灰主噎

鴨肪主水腫血主解諸毒肉主小兒驚癇頭主水腫通利小便

鴈喉下白毛療小兒癇有效

鷹屎灰酒服方寸匕主惡酒勿使飲人知

雀屎以蜜和爲圓飲服主癩癖久癩冷病或和少乾薑服之

大肥悅人

胡鷲郊主水浮腫由出痔蟲越鷲屎亦療痔殺蟲去目翳

蝙蝠屎灰酒服方寸匕主子死腹中腦主女子面醜服之令

人不忘也

龜取以釀酒主大風緩急四肢拘攣或久癱緩不收攝皆差

鯉魚骨主陰蝕哽不出血主小兒丹腫及瘡皮主丹癧疹腦
主諸癩腸主小兒肌瘡

蠹魚腸及肝主久敗瘡中蟲諸魚灰並主哽噎

乾鱓頭主消渴食不消去冷氣除痞疹其穿魚繩主竹木屑
入目不出穿鮑魚繩亦主眯目去刺煮汁洗之

露蜂房亂髮蛇皮三味合燒灰酒服方寸匕日貳主諸惡疽
附骨癰根在藏腑歷節腫出丁腫惡脉諸毒皆差又水煮
露蜂房一服五合汁下乳石熱毒壅悶服之小便中即下
石末大效水煮洗狐刺療服之瘡上氣赤白痢尿失禁

蟬殼主小兒癩女人生子不出灰服之主久痢
蚱蟬主小兒癩絕不能言

白殭蚕末之封丁腫根當自出極效

鼈頭燒灰主小兒諸疾又主產後陰脫下墜尸疰心腹痛

鰻鱺魚膏療耳中有蟲痛者

蝦蟇腦主明目療青盲

蛇屎療痔瘻器中養取之皮灰療丁腫惡瘡骨疽蛻皮主
身痒癢疥癬等

蜘蛛療小兒大腹丁奚三年不能行者又主蛇毒溫瘧霍亂
止嘔逆

蚯蚓鹽露爲汁療耳聾屎封狂犬傷毒出犬毛神効
蟻娘擣爲圓塞下部引痔蟲出盡水差

蜆殼陳久者療反胃及失精

田中螺殼療口疰心腹痛又主失精水漬飲汁止渴

棗葉搗熟熨瘡良

藕主熱渴散血生肌久服令人心懽

栗嚼生者塗瘡上療筋骨斷碎疼痛腫瘀血其皮名扶擣爲

散蜜和塗肉令急縮毛殼療火丹毒腫飼孩兒令齒不生木
白皮水煮汁主溪毒

櫻桃葉搗付蛇毒絞取汁服防蛇毒內攻

梅根療風痺出土者殺人梅實利筋脉去痺

枇杷葉主欬逆不下食

火柿主殺毒療金瘡火瘡主肉止痛軟柿熟柿解酒熱毒止

口乾壓腎間熱

烏芋一名茨菰主百毒產後血悶攻心欲死產難衣不出搗
汁服一升

桃膠主下石淋破血中惡疰忤花主下惡氣消腫滿利大小腸
梨削貼湯火瘡不爛止痛易差又主熱嗽止渴葉主霍亂吐
痢不止煮汁服之

赤莧主赤痢又主射工沙蟲馬莧一名馬齒草主諸腫癭疣

目擣搯之飲汁主反胃諸淋金瘡血流破血癥癖小兒尤良
用汁洗緊脣面醎馬汗射工毒塗之差

蔓菁子療黃疽利小便水煮五升取濃汁服主癥瘕積聚少
飲汁主霍亂心腹脹末服主目暗

白芥子主射工及疰氣發無常處丸服之或擣爲末醋和塗
之隨手有驗

首蓿莖葉平根寒主熱病煩滿目黃赤小便黃酒疸擣取汁
服一升令吐利即愈

水蓼主被蛇傷擣傳之絞取汁服止蛇毒入腹心悶者又水
煮漬脚掙之消脚氣腫

胡葱主諸惡或狐尿刺毒山溪中沙蟲射工等毒煮汁浸或
擣付大效

白蘘荷根主諸惡瘡殺蠱毒根心三稻麥芒入目中不出者

以汁注目中即出

雞蘇主吐血衄血下氣消穀大效

苦瓠瓢主水腫石淋吐呀嗽囊結疰蟲痰飲或服之過分令

人吐利不止宜以黍穰灰汁解之又煮汁漬陰療小便不通

胡麻生嚼塗小兒頭瘡及浸淫惡瘡大效

小豆葉名藿止小便數去煩熱

大麥麩平胃止渴消食療脹

小麥麩止痢平胃主小兒癩消食痔又有女麩黃蒸女麩完

小麥為之一名麩子黃蒸磨小麥為之一名黃衣並消食止

洩痢下胎破冷血

粟米泔汁主霍亂卒熱心煩渴飲數升立差臭泔止消渴良

米麥炒主寒中除熱渴解煩消石氣蒸米麥熬磨作之一名

糗也

白英鬼目草也蔓生葉似王瓜小長而五極實圓若龍葵子
生青熟紫黑煮汁飲解勞地膚子搗絞取汁主赤白痢洗眼
去熱暗雀盲澀痛其苗灰主痢亦善

防風又頭者令人發狂又尾者發痾疾子似胡荽子而大調
調食用之香而療風更佳

石龍芻主療虻蟲及不消食

絡石生陰濕處蔓延繞木石側冬夏常青十一月子黑而圓
名石龍藤療產後血結又主蝮蛇瘡絞汁洗之服汁亦去蛇
毒心悶金瘡封之立差

千歲蔓莖大如椀汁味甘子味甘酸似葡萄其莖主噦逆大
善傷寒後嘔噦更良

天名精鹿活草也主破血生肌止渴利小便殺三蟲除諸毒
丁瘡癩痔金瘡內射身痒癩胗不止者搯之立已

葛根末主狂犬傷人并飲其汁燒葛燒灰水服方寸匕止喉痺
苦參十月採子服如槐子法又服輕身不老明目有效

蒼耳三月以後七月以前刈取日乾為散夏月水服冬酒服
主大風癩癩頭風濕痺毒在骨髓日貳服圓服貳參拾圓散
服壹貳匕服滿百日病當出如癩疥或痒汁出或斑駁甲錯
皮起後乃皮落肌如凝脂令人省睡除諸毒螫殺甘濕匿久
服益氣耳目聰明輕身強志主腰膝中風毒尤良亦主獬狗
毒管花主衄血吐血灸瘡

王蓀主金瘡破血生肌肉止痛赤白痢補虛益氣除脚氣
爵牀療血脹下氣又主杖瘡汁塗立瘥

蜀羊泉俗名漆姑葉主小兒驚

惡實根主牙齒疼痛勞瘵脚緩弱風毒癰疽效嗽傷肺肺壅
疝瘕積血又主諸風癢瘕冷氣子吞壹枚出癰疽頭

榆人醬利大小便蕪蕪醬殺三蟲

凡山中石上草中多有蛭食人血入肉中浸淫起方

用炙斷其道即差

又方

常以臘月猪脂和鹽塗脚及足指間足跌上并鞋上則不

著人

用術法

薑黃生蜀中者真土蕃詐中國人云療萬病一箇一段價買之不可得後人知是薑黃更不敢將入來凡薑黃不得爵爵之損齒療一切腫初覺刮取末和水塗之數度差難產刮取一箇作末和水服之即生酒亦得產後腹中不淨刮取末水和服之愈

馬胞轉剖取末筒吹半大豆許耳鼻中即通此藥末滿月孕

婦勿令見好落娠慎之

貯薑黃法

以袋盛置白米大小麥中袋中著少許米懸乾燥處勿令雞犬女人見之

造麋鹿二角膠法

二月九月爲上時取新角連臺骨者一細剉大盆中浸一宿即淘汰使極淨待澄去下惡濁汁取上清水還浸一宿又淘汰如前澄去下惡濁取汁浸二宿澄取清水并所漬骨角微微火煮大率角屑一石水三石去角澄取清汁煎水盡至五升許出貯銅器中湯上煎之二日二夜如糖出置盤上待凝以竹刀割爲薄片於淨布上暴乾成也其煮角者更細剉之加水一倍煮成至三四升內銅器中重湯煎如前法

服法

炙膠使極黃沸擣節爲散每膠一斤末以大附子二兩炮
又一法取惟大者去皮細切炙令黃勝炮曰空腹酒服方
寸匕日再稍稍加至二匕不可過二匕補五藏六腑虛羸
瘦極陳者爲上

殺烏頭三建法

烏頭二月採天雄附子側子並八月採春宜早秋宜晚採
得淨去鬚毛其莖留二分先以大木桶內酢泔三斛酒糟
七升攪之經三日後用次法一如次第遂至法畢

右以粟米一升淨淘擣作粉以烏頭安桶中厚三寸布令
平即摻米粉令遍復加烏頭如前法又加米粉如次第遂
至滿桶去口三寸即止然後取糟汁去桶中一畔下又沒
烏頭二寸以物蓋之九月即八九日若十月即經十日候
桶中汁上頭衣作紫色遍即出烏頭以刀刮截看裏許白

黃脉斷即熟但看衣紫色即熟不須致疑即取白茅暴一日得焉即得不得太乾於廠屋底乾地上布茅厚五寸漉出烏頭令乾以布茅上勿令相重其上令布茅厚五寸四邊閉塞以茅令密經再宿三日從一邊却茅看之若衣勻斑斑然即好若著白斑又更覆一宿以衣足為限即徐徐去上茅更經一宿安徐取於廠下薄上布勿令相重經二十一日後拾出日中暴之三日即成也

又法

烏頭四月

天雄

附子

側子八月

右先煎水作生熟湯治附子如前方法內著湯中密封勿洩經半日出取自灰裏數易灰使乾日暴之其米粥及糟麴等法並不及此法

服鹽藥法

無藥州土則須服之大益

成州鹽官第一

次綿州封井

次鹽州富因井

次益州貴平井

上四井鹽可服之

右法服先以大豆許鹽置口中勿咽之須臾津液滿口令近齒以方寸匕鹽內口中和津液一時咽之日一服

凡疔新患者一服得快利即愈百日以上者五服差若一月服之終身不發

諸下痢初患一兩服即差赤白久痢經年者一七二七服差諸心腹痛癥結宿癖積聚吐逆食不化者一年以上二三十年不過三月服之其痢及諸病初服時痢益極者勿恠之也諸氣滿喘逆不能食者一服即散日服之則根本皆除天氣熱疾頭痛目眩四肢煩熱者一服得吐利差

諸頭面皮膚百節皆風一月服之差若初服十日內眉間益

悶勿恠

諸淡飲欬逆不能食息者一服差

諸虛勞傷損骨節疼痛起止失聲者二七日服之少氣乏力
面無顏色十日服之能三十日服佳也常以平旦空腹服之
率以三七爲節須得吐利者須一度多服三七以上令人大
吐利終不傷人若覺煩熱數數飲冷水若至他方異域不伏
水土到即服之得一升百事不懼鹽能補虛去冷熱若有宿
食不消變成霍亂一服即差

千金翼方卷第十九

千金翼方卷第二十

雜病下

備急第一方二十七首 論一首

阿魏藥主一切尸疰惡氣療人有親近死屍惡氣入腹終身不愈遂至死亡醫所不療亦主一切疰神效方

阿魏藥參兩碎之大如麻子大

右壹味以饅飩麩裹半兩熟煑吞之日三服之服滿二七日永差忌五辛油麩生冷酢滑以酒服之即差

玉靈圓主萬病皆用之

雄黃貳兩 八角附子貳兩炮

丹砂貳兩 礬石貳兩燒 巴豆仁貳兩去皮

藜蘆貳兩

右陸味以王相日童子齋戒天晴明時合先擣巴豆三千杵次內礬石又三千杵次內藜蘆又三千杵次內雄黃又

三千杵次內丹砂又三千杵次內附子又三千杵次內白
蜜又三千杵訖更治萬杵佳無丹砂用真朱肆兩代之每
內藥即下少蜜恐藥飛揚成蜜器中封之勿洩氣安清淨
處大人圓如小豆許服藥下病者宿勿食日服二圓不知
者煖粥飲發之在膈上者吐膈下者利或但噫氣而已即
愈一切萬病量之不過壹圓二圓莫不悉愈必以王相天
晴明日合之大有神驗若非此日合之極不中用徒事茸

倉公散 主萬病方

礬石燒

皂莢炙去皮子

雄黃研

藜蘆熬

右肆味等分為散主卒鬼打鬼掛鬼刺心腹痛吐下血便
死不知人及卧魘齧脚踵不覺者諸惡毒氣病取藥如大
豆內竹管中吹鼻得嚏則氣通便活未嚏更吹之以嚏為度

橫心圓

主暴病脹滿方

大黃

乾薑

巴豆

去皮心熬

右參味等分先擣大黃乾薑下篩研巴豆如脂內散中合擣一千杵即用之蜜和為圓亦佳蜜器貯之勿令歇主心腹暴病若中惡客忤心腹脹滿刺痛口噤氣急停屍卒死者以水若酒服大豆許三四枚捧頭起令得下喉須臾不差更服三枚腹中轉鳴得吐利即差

千金圓

主百鬼病風注夢與神交通邪病腹脹惡腫氣卒中

忤方

礬石

貳兩

附子

貳兩炮去皮

雄黃

貳兩

真朱

貳兩

巴豆仁

貳兩

藜蘆

貳兩

蜈蚣

貳枚

麝香

半兩

犀角

參分

右玖味擣參千杵每一服二圓如小豆不知至參圓五更一點服至日中解解乃食白米粥忌熱食酒肉五辛一切

皆忌之

真珠附著散 主諸風鬼注毒氣猫鬼所著方

真珠
雄黃
丹砂各半兩
乾薑壹兩
蜈蚣壹枚

桂心壹兩
天雄半兩
莽草半兩
細辛壹兩
蜀椒半兩 汗去目閉口者

右壹拾味為散酒服方寸匕日再

大附著散 主一切蜚尸鬼注風痺百處痛如針刀刺痛嘔逆

澣飲五勞七傷萬病方

附子茶分炮去皮
烏頭茶分炮去皮
蜈蚣貳枚炙
芫青八分

雄黃茶分
朱砂茶分
乾薑茶分
細辛茶分

蜥蜴貳枚
人參茶分
莽草茶分
鬼臼茶分

右壹拾貳味擣散酒服半錢匕日再

太一神明散水圓 主諸病破積聚心下脹滿寒熱鬼疰長病

欬逆唾噫辟除衆惡殺鬼逐邪氣鬼擊客忤中惡背中結氣
咽中閉塞有進有退繞臍絞痛側側隨上下按之挑手心中

惛惛如有蟲狀毒症相染滅門方

雄黃 貳兩 芫青 五枚 桂心 貳兩 眞珠 壹兩 麝香 壹兩

附子 壹兩半 炮去皮 烏頭 八枚 炮去皮 犀角 壹兩 鬼臼 壹兩 巴豆仁 壹分

蜈蚣 壹枚 炙 人參 壹兩 杏仁 貳拾枚 去尖 射罔 壹兩

丹砂 貳兩 蜥蜴 壹枚 斑猫 柒枚 去翅足 當歸 貳兩 藜蘆 壹兩

大黃 貳兩 礬石 貳兩 燒 樗雞 柒枚 地膽 柒枚 牛黃 壹兩

右貳拾肆味搗末蜜爲圓搗三萬杵圓如小豆先食服二圓日再服不知稍稍加以藥二圓著門上令衆惡不近傷寒服之無不即愈若至病家及視病人夜行獨宿服二圓衆邪不近亦可佩之

蜥蜴圓 主癥堅水腫蝨尸遁尸寒尸喪尸尸注骨血相注惡

氣鬼忤蝮毒邪氣往來夢寤存亡流飲結積虎狼所噬猢猻犬所咬鳩毒入人五藏服藥殺其毒即消婦人邪鬼忤之亦能

遣之方

蜥蜴貳枚 蜈蚣貳枚灸 地膽五十枚 蟻蟲參拾枚 杏仁參拾枚
去

蠅拾肆枚 蟲參拾枚 朴消柒分 澤瀉半兩
去

芍藥伍分 虎骨壹兩 甘草壹兩 桃奴半兩 犀角半兩
灸

巴豆仁柒分 鬼督郵兩 赤桑雞兩 乾薑壹兩 款冬花叁分
兩

甘遂五分

右貳拾味治巴豆杏仁如膏內藥末研調下蜜搗二萬杵
圓如麻子未食服三圓日壹不下加之不取吐下者壹圓
日壹有人風冷注癖堅二十年亦得愈

金牙散 主鬼注風邪鬼語尸注或在腰脊背脇流無常處不
喜見人意志不定面目脫色目赤鼻張脣乾甲黃等並治之

方

蜈蚣壹枚 人參壹兩 蜚蠊柒枚 雄黃壹分 徐長卿拾肆
灸

蜥蜴壹枚 桔梗叁分 鐵精叁分 桂心壹兩 鬼臼半兩

金牙壹分 燒 野葛壹分 附子壹枚 炮 去皮 毒公叁枚 芎藭半兩

石長生半兩 椒目半兩 大黃壹分 甘草壹分 炙 芫菁拾肆 枚

鬼督郵半兩 熬 蜂房壹分 熬 曾青壹分 真珠壹 蛇脫皮壹分 熬

丹砂壹分 烏頭半兩 炮 去皮 狼毒半兩 斑猫肆枚 熬 石膏伍分

簡茹壹分 蕪荑半兩 鬼箭半兩 藜蘆半兩 狸骨壹分

雷丸半兩 狼牙壹兩 乾漆壹分 熬 亭長 貝母壹分

凝水石伍分 牛黃壹兩 胡鷲屎壹兩 炙 鼈甲半兩 炙 滑石半兩

右肆拾伍味為散酒服一刃圭日再稍加如有蟲皆隨大小便出矣

大金牙散 主南方百毒瘴氣疫毒脚弱腫痛濕痺風邪鬼症

金牙燒 雄黃 丹砂 龍膽 防風

玉支 大黃 曾青 茯苓 桂心

松脂 乾薑 烏頭炮去 斑猫去翅 亭長

細辛 消石 野葛 大戟 商陸

蛇脫熬 芫青 鸛骨 芫花 附子炮去

寒水石 人參 貫衆 龍骨 蜀椒開口 藟石燒

露蜂房熬 巴豆去皮 蜥蜴 蜈蚣炙

天雄 狸骨炙 石膽 莽草

右參拾玖味各等分爲散以絳囊佩帶之男左女右未食以漿水或酒隨意服一勿圭以知爲度

小金牙散 主南方瘴氣疫毒脚弱風邪鬼注方

金牙剉分 女萎參分 莽草參分 乾薑 桂心

天雄炮去 細辛 草解絡參 犀角屑 烏頭炮去

麝香 虎杖 黃芩 雄黃 朱砂

蜀椒半兩汗去 黃連壹兩 牛黃壹分 蜈蚣一枚 茶者

右壹拾玖味為散訖內牛黃麝香更擣三千杵溫酒服壹錢七日三夜二以知為度帶之辟不祥弔喪問病皆塞鼻

良一方用由
敗無虎杖

又大金牙散方所主與前方同傳屍骨蒸病家合佳

金牙燻兩 大黃壹兩 鼈甲壹兩 梔子仁壹兩 鬼督郵壹兩

麗甲壹兩 灸壹壹兩 桃白皮壹兩 銅鏡鼻壹兩 乾漆壹兩

桂心半兩 芍藥半兩 射干半兩 升麻半兩 徐長卿叁分

鳶尾半兩 由跋叁分 蜂房半兩 細辛半兩 乾薑半兩

芒消半兩 莽草半兩 龍膽 狼牙 雄黃

真珠壹分 白木半兩 射罔壹分 羚羊角半兩

馬目毒公半兩 犀角半兩 甘草半兩 狼毒半兩

蟻娘壹枚 地膽壹枚 樗雞壹枚 芫青壹枚 雷丸壹分

龍牙壹兩 杏仁壹兩 皮雙 人參壹分 巴豆拾肆枚 去心

桃奴拾肆枚

鐵精壹合

赤小豆壹合

烏梅柒枚

胡鷲屎兩

鸚骨貳兩

石膏貳兩

蛇脫壹尺

斑猫柒分

活草子壹兩

右伍拾味為散酒服壹刀圭加至兩刀圭日三夜一以知

為度絳囊盛帶之男左女右一方寸匕省病問孝夜行塗

中晨昏霧露亦如此密封勿洩氣清齋七日合之一一如

法童子沐浴寂靜無人處合勿令人知之買藥勿爭價

太一神明圖

主腹中癥瘕積聚支滿寒熱鬼疰長病欬逆吐

血殺鬼邪氣蠱注胃中結氣咽中如有物宿食久寒方

雄黃肆兩

真珠貳兩

丹砂貳兩

藜蘆壹兩

附子壹兩半

斑猫貳拾枚

杏仁八十枚去尖

地膽貳柒枚

礬石壹兩

赤足蜈蚣貳枚

巴豆柒拾枚

鬼臼叁兩

特生礬石五兩

右壹拾叁味下篩吹咀礬石令如麥大桑白皮如錢大拾

肆枚令於鐵器中熬桑白皮焦黑止擣二千杵內丹砂雄

黃諸藥合搗四千杵白蜜和爲圓服如小豆大縱不知病
進退遶臍相逐上下不定按之挑手心中溫溫如有蟲者
病走皮中相次即取壹圓摩病上急按手下皮青不青當
白黑若有赤病死皮中也右爲蜂蛇所中中惡服壹圓一
圓著瘡中若不知更加至叁圓卒得飛尸腹中切痛服三
圓破壹圓傳瘡上即愈夜夢寤驚恐問病臨喪服一圓漬
壹圓塗之止惡邪氣不敢近人卒中鬼魅狂言妄語一圓
塗其脉上壹圓塗人中即愈鬼魅逐人以壹圓塗門戶上
鬼不敢前蠱毒病一宿勿食明旦服一圓不知增至二圓
至三圓以知爲度癥結宿物勿食服四圓但欲癥消服一
圓日三病下如雞子白或下蛇蟲下後以肥肉精作羹補
之孤鳴以壹圓向擲之孤即於其處死神秘不妄傳

特製圓

主諸注萬病毒注鬼注食注冷注淡飲宿食不消并

酒癖方

藜蘆貳兩 皂莢貳兩 巴豆仁貳兩 桔梗貳兩 附子貳兩

右五味末之蜜和擣萬杵欲服宿勿食旦服兩圓如梧子

仰卧勿眠至食時若膈上吐膈下利去惡物如科斗蝦蟇

子或長壹尺貳尺下後大虛作羹補之三四日將養病不

盡更服如初

十種圓 主十種注氣注勞注鬼注冷注生人注死注尸注水

注食注土注等方

雄黃 壹兩 人參 壹兩 甘草 壹兩 藁本 壹兩 巴豆 一兩去心熬

桔梗 壹兩 附子 壹兩炮 皂莢 壹兩去皮 蜀椒 壹兩去目 麥門冬 一兩去心

右壹拾味末之蜜和空腹服壹圓如小豆大日貳稍加以

知為度極效

大麝香圓 主鬼注飛尸萬病方

生麝香兩半牛黃半兩

蜈蚣壹枚

丹砂半兩

雄黃壹兩

巴豆仁伍拾枚
去心熬

杏仁伍拾枚
皮雙仁熬

桂心半兩

地膽柒枚荒青柒枚

亭長柒枚

蜥蜴壹枚

獺肝半兩

大黃半兩犀角半兩

礬石半兩

細辛半兩

藜蘆半兩

斑猫柒枚
翅足熬

礬石燒

附子炮去

真珠各半

右貳拾叁味搗為末蜜和搗三千杵飲服如小豆壹圓日

一蛇蜂蝎所中以摩之愈一方地膽作蝮地膽

蜈蚣湯

主惡注邪氣往來心痛徹背或走入皮膚移動不

定苦熱四肢煩疼羸乏短氣方

蜈蚣壹枚

牛黃壹分

大黃叁分

丹砂叁分

細辛壹兩

鬼臼壹兩

黃芩半兩

當歸壹兩

桂心壹兩

人參叁分

麝香壹分

附子壹兩
去皮

乾薑壹兩

右壹拾叁味咬咀以水壹斗煮拾壹味取叁升去滓下牛

黃麝香末攪令均分三服

鶴骨圓 主遁尸飛尸積聚脇下痛連背走無常處或在臍或在腹中或奄然而痛方

鶴脰骨 叁分 雄黃 一兩

藜蘆 半兩

野葛 半兩

莽草 壹兩

芫青 拾肆枚

斑蝥 拾肆枚

巴豆 肆拾枚 去皮心熬

丹砂 貳分

牡蠣 壹兩 熬

桂心 半兩

蜈蚣 壹枚 炙

右壹拾貳味擣篩蜜圓服如小豆大貳圓 一方丹砂作丹參

江南度世圓

主萬病癥堅積聚伏尸長病寒熱注氣流行皮

中久病著牀肌肉枯盡四肢煩熱嘔逆不食傷寒時氣惡注忤口噤不開心痛方

麝香 壹兩

細辛 貳兩

大黃 壹兩

甘草 貳兩 炙

蜀椒 叁兩 汗去目閉口者

紫苑 壹兩 半

人參 貳兩

乾薑 壹兩

茯苓 貳兩

附子 壹兩 半 炮去皮

真珠 壹兩

丹砂 壹兩

烏頭 半兩 炮去皮

野葛 壹兩

牛黃 半兩

桂心 壹兩

蜈蚣 貳枚

雄黃 壹兩

鬼臼 壹兩

巴豆 陸拾枚去皮心熬

右貳拾味搗末蜜圓飲服如小豆大貳圓稍加至肆圓日貳加瀨肝壹兩大良

大度世圓 主萬病與前同方

牛黃 壹兩

大黃 壹兩

雄黃 壹兩

細辛 壹兩

附子 壹兩炮去皮

真珠 壹兩

甘草 壹兩

人參 壹兩

射罔 壹兩

丹砂 壹兩

鬼臼 壹兩

莽草 壹兩

鬼箭 貳兩

桂心 貳兩

蜀椒 壹兩汗去目開口者

紫苑 貳兩

巴豆仁 八拾枚去心熬

乾薑 貳兩

野葛 壹尺

蜥蜴 壹枚

蜈蚣 壹枚

地膽 拾伍枚

芫青 貳拾枚

樗雞 叁拾枚

茯苓 壹兩

麝香 貳兩

右貳拾陸味搗末蜜圓飲服貳圓如小豆日貳圓先食後

服之

細辛散 主風入五藏悶絕常自燥痛或風注入身冷注鬼注

飛尸惡氣腫起或左或右或前或後或內或外針灸流移無
有常處驚悸腹脹氣滿又心頭痛或恍惚悲懼不能飲食或
進或退陰下濕癢或大便有血小便赤黃房中勞極方

附子貳分炮去皮

秦艽叁分

人參叁分

牡蠣叁分熬

乾薑五分

桂心伍分

茯苓壹兩

桔梗壹兩

白朮壹兩

當歸壹兩

獨活壹兩

柴胡伍分

烏頭半兩炮去皮

甘草叁分

麻黃叁分去節

芎藭三分

莽草半兩

牛膝半兩

天雄半兩炮去皮

括樓半兩

細辛貳分

右貳拾陸味擣篩為散仍別秤之合和也旦以清酒服伍

分匕訖如行十里勢欲歇更飲酒五合佳

芥子薄主遁尸飛尸又主暴風毒腫流入四肢頭面諸風方

芥子壹升蒸熟

右壹味擣下篩以黃丹貳兩攪之分作兩處踈布袋盛之更蒸使熱以薄痛處當更迭蒸袋常使執薄之如此三五度即定

六一備急散 主卒中惡客忤五尸入腹鬼刺鬼排及中蠱毒注吐血下血及心腹卒痛腹滿寒熱毒病六七日方

雄黃

貳兩

丹砂

壹兩

桂心

壹分

藜蘆

柒銖

附子

伍分炮

蜀椒

半兩汗去目閉口者

野葛

貳十壹銖

芫花

拾銖

巴豆仁

叁拾枚去心熬

右玖味惟巴豆別治如脂餘下篩以巴豆合和更擣之令
和調甕器中貯之密封勿洩氣有急疾水服錢五匕可加
至半錢匕老小半之病在頭當臯劔在膈上吐在膈下利
在四肢當汗出此所謂如湯沃雪手下皆驗秘之千金非
賢勿傳也

治暴心痛面無色欲死方

以布裹鹽如彈子燒令赤置酒中消服之即愈

還魂湯 主卒忤鬼擊飛尸諸奄忽氣無復覺或已死口噤拗

口不開去齒下湯湯入口活不下者分病人髮左右捉踏肩

引之藥下復增取盡壹升須臾立蘇方

麻黃肆兩 去節 桂心貳兩 甘草壹兩 炙 杏仁柒拾枚 去皮

右肆味咬咀以水捌升煮取三升分叁服

治卒中鬼擊及刀兵所傷血漏腹中不出煩滿欲絕方

雄黃粉以酒服壹刀圭日叁血化為水

論曰凡諸大備急丸散等藥合和時日天晴明四時王相日

合之又須清齋不得污穢於清淨處不令一切雜人猫犬六

畜及諸不完具人女人等見則藥無靈驗不可具言若不能

如法則必不須合之徒棄財力用之與朽木不殊余以武德

中合玉壺丸時值天陰其藥成訖後卒不中用終棄之此等

多是上古仙聖愍苦厄人遂造此方以救之皆云買藥不可
爭價當知其深意云爾

蠱毒第二

論一首

方七首

灸法一首

論曰亦有以蠱涎合作蠱藥者食飲中與人者惟此一種令
人積年乃死

治人中蠱人有行蠱毒以病人者若服藥知蠱主姓名當使
呼喚將去方

凡中蠱之狀令人心腹切痛如物嚙或吐血下血不急治
食人五藏盡則死驗之法唾至水中沈者是也取敗鼓皮
燒作末水服方寸匕須臾自呼蠱主姓名可語令知則愈矣
治人有中蠱毒腹內堅如石面目青黃小便淋瀝變狀無常方

牡羊皮

方廣
伍寸

犀角

壹兩

芍藥

壹兩

黃連

壹兩

梔子

擘枚

蘘荷

肆兩

牡丹皮

一兩

右柒味以水五升煮取一升半分三服

治蠱毒方

槲木北陰白皮一大握長五寸以水參升煮取一升空

腹服之即吐出

又方 燒蝟皮灰以水服方寸匕差

又方

槲木北陰白皮

桃根

蝟皮灰

亂髮灰

生麻子汁

右伍味先以水濃煮槲皮桃根取汁壹升和麻子汁著灰

等一方寸匕令病人少食訖服一大升行百步須臾著盆

吐出水中以雞翎撿吐水盆中當有如牛涎犢胎及諸蠱

形並出即愈

治猫鬼方

燒臘月死貓兒頭作灰末以井華水服一錢七日一立差
大驗

治猫鬼方

相思子

壹枚

巴豆

壹枚 去皮

草麻子

壹枚

朱砂

半兩

峭粉

叁分

右伍味擣作末以蜜蠟和為圓帶之即不著人先著者酒服麻子大一枚良

又方 多灸所痛處千壯自然走去甚妙

藥毒第三

方一十二首

野葛毒方

雞子一枚打破併吞之須臾吐野葛

又方 煮甘草汁冷飲之

又方 服雞屎汁

解諸藥毒雞腸散方

雞腸草 叁分 薺苳

升麻 各壹兩

藍子 壹合

空土 壹分

芍藥

當歸

甘草 各貳分

右搗味擣篩為散水服方寸匕多飲水為佳若蜂蛇等眾毒蟲所螫上血出著藥如小豆許於瘡中藥箭所中削竹如釵股長一尺五寸以綿纏繞水沾令濕取藥內瘡中趁瘡深淺令至底止有好血出即休也若服藥有毒水服方寸匕毒解病愈

野葛毒口噤方

取青竹去兩節注臍上內冷水注中暖即易之立活忌酒數易水

一切諸毒方

甘草 三兩

梁米粉 合

蜜 半兩

右壹味以水伍升煮取貳升內粉一合更煎又內蜜半兩

服七合須臾更服之

釣吻衆毒困欲死面青口噤逆冷身痺方

薺苞

八兩

右壹味以水陸升煮取叁升冷如人肌服伍合日叁服夜伍服

又方 煮桂汁飲之

又方 煮藍汁飲之

凡六畜五藏著草自動搖得諸醋鹽不變色及墮地不汙又與犬不食者皆有毒殺人

凡食飲有毒者澆地地墳起者殺人

凡肉汁在器中蓋密氣不洩者皆殺人

凡脯肉熟肉皆不用深藏密不洩氣殺人

若中此毒者皆大糞灰水服方寸匕良

治惡毒藥方

狗舌草壹把去兩頭

右壹味以水伍升銅器中煮取汁搜麩作粥食之

藥毒不止解煩方

甘草貳兩 梁米粉壹升 蜜肆兩

右叁味以水叁升煮甘草取貳升去滓歇大熱內粉湯中攪令調內白蜜煎令熟如薄粥適寒溫飲壹升

從高墮下第四方一十一首

膠艾湯主男子絕傷或從高墮下傷損五藏微者唾血甚者吐血及金瘡傷經內絕者方

阿膠炙 艾葉熬 芍藥 乾地黄各叁兩

當歸 乾薑 芎藭 甘草炙各貳兩

右捌味以水捌升煮取三升去滓內膠令洋分再服

羸人三服此湯正主婦人產後及崩中傷下血多虛喘欲
死腹痛下血不止者服之良千金一方
只四味

墜馬及樹崩血腹滿短氣方

大豆 伍升

右壹味以水一斗煮取二升半一服令盡劇者不過二作

之千金云治人墜落車馬
心腹積血唾吐血無數

治落馬墮車及諸跪折臂脚痛不止方

芎藭壹兩
半熬

澤蘭壹分

蜀椒去目及
閉口者汗當歸

桂心

附子炮去皮
各半兩

甘草叁兩
炙

右柒味微熬令香擣篩為散酒服方寸匕日三凡是傷至
骨皆服之十日愈小兒傷損亦同

又方

黃耆

芍藥各叁
兩

蜀椒壹合去目及
閉口者汗

烏頭半兩去皮炮

大黃壹兩

當歸

附子炮去皮

乾薑

桂心

續斷

乾地黄

通草各貳兩

右壹拾貳味擣篩為散先食訖温酒服一方寸匕日三

生地黄湯主因損小便血出方

生地黄兩柏葉壹把

黃芩

阿膠灸

甘草各壹兩

右伍味咬咀以水七升煮取三升去滓内膠取二升五合

分三服

治瘀血腹中輿瘀不出滿痛短氣大小便不通方

荆芥半兩

大黃

芎藭各叁兩

蟾蟲叁拾枚熬

桂心

當歸

甘草各貳兩

蒲黃伍兩

桃仁肆拾枚去皮尖及双仁者

右玖味咬咀以水一斗煮取三升分三服

治折腕瘀血蒲黃散方

蒲黃 壹升 當歸 貳兩

右貳味搗篩為散酒服方寸匕日三先食訖服之

又方

蝨蟲

去足翅熬

牡丹皮

等分

右貳味搗篩為散酒服方寸匕血化為水

又方 菴藷草汁服之亦可散服之日三

又方

大麻根若葉

右壹味搗取汁數升飲之即下氣通蘇息無青者乾者煮

汁亦得

千金云治跪折骨痛不可忍并主瘀血心腹脹滿短氣

又方 茅根切搗絞取汁溫和酒服一升日三良

金瘡第五

方六十二首

金瘡止血散方

釣樟根

參兩

當歸

芎藭

乾地黄

續斷

各壹兩

鹿茸

半兩

龍骨

貳兩

右柒味擣篩為散以傅血即止酒服一錢七日伍夜三

治金瘡箭在肉中不出方

白斂

半夏

洗去滑各參兩

右貳味擣篩為散水服方寸匕日二淺者十日出深者二十日出終不住肉中效

金瘡腸出令入方

磁石

燒

滑石

各參兩

右貳味擣細篩為散白飲服方寸匕日五夜二三日當入

治刀斧所傷及冷瘡牛領馬鞍瘡方

續斷

松脂

各壹兩

鹿角

牛骨

腐者

亂髮

燒各貳兩

右伍味擣篩細為散以猪脂半斤并松脂合煎令和下鎊

於地內藥攪令冷凝用之瘡有汁散傳之

金瘡煩悶方

白芷

芎藭

甘草

各二兩

右參味熬令變色擣篩為散水服方寸匕日五夜二

消石散 主金瘡先有石發煩悶欲死大小便不通方

消石

寒水石

栝樓

澤瀉

白斂

芍藥

各壹兩

右陸味擣篩為散水服方寸匕日三夜一稍加以通為度

琥珀散 主弓弩所中悶絕無所識方

琥珀

右壹味隨多少擣篩為散以童男小便服之不過三服差

弩筋散 主弓弩所中筋急不得屈伸方

故敗弩筋

五分燒作灰

秦膠

伍分

杜仲

半兩灸

大棗

叁枚

乾地黄貳兩

附子炮去

當歸各壹兩

右柒味搗篩為散以温酒服一方寸匕日三稍加至二匕以知為度

續斷散主金瘡筋骨續絕方

續斷參兩 芎藭

茯苓

當歸各壹兩

細辛半兩

附子炮去 乾薑

蜀椒汗去目

桂心各叁分

蛇銜草

乾地黄各貳兩

芍藥

人參

甘草各壹兩

右壹拾肆味搗篩為散酒服方寸匕日三夜千金有地榆今錄驗又有杜蘅

藍子散主金瘡中藥箭解毒方

藍子伍合 升麻八兩

甘草各肆兩

王不留行各肆兩

右肆味搗篩為散水服二方寸匕日三夜二水和方寸匕

如泥塗瘡上乾易毒即解

澤蘭散主金瘡內塞方

澤蘭 防風 石膏 乾薑 蜀椒去目閉口者汗

附子炮去皮 細辛 辛夷 芎藭 當歸各半兩

甘草壹兩

右壹拾壹味擣篩為散酒服方寸匕日三夜一膿多倍廿草渴加枯樓半兩煩熱加黃芩半兩腹滿短氣加厚朴三分瘡中瘀血更加辛夷半兩

蒲黃散 主被打腹中有瘀血方

蒲黃壹升 當歸 桂心各貳兩

右叁味擣篩為散酒服方寸匕日三夜一

甘菊膏 主金瘡癰疽止痛生肉方

甘菊花 防風 大戟 黃芩 芎藭

甘草各壹兩 芍藥 細辛 黃耆 蜀椒去目閉口者汗

大黃 杜仲各半兩 生地黃肆兩

右壹拾參味擣篩以臘月猪膏肆升煎五上五下芍藥色
黃膏成綿布絞去滓傳瘡上日三

桃仁湯 主金瘡瘀血方

桃仁 五拾枚去皮尖及双仁

蝨蟲 去翅足熬 水蛭 熬各叁拾枚

大黃 五兩 桂心 半兩

右伍味切以酒水各伍升莫取貳升服一合日三服明日
五更壹服

馬蹄散 主被打腹中瘀血方

白馬蹄 燒令盡

右壹味擣篩為散酒服方寸匕日三夜一亦主女人病血
消之為水

金瘡內漏方

還自取瘡中血著杯中水和盡服愈

金瘡腹中有瘀血二物湯方

大麻仁 參升 葱白 貳柒

右藥使數人各擣令熟著玖升水中煮取半頓服之若血去不盡腹中有膿血更令服之當吐膿血耳

金瘡內漏血不出方

牡丹

右壹味為散服三指撮五日尿出血

治金瘡因房驚瘡方

燒婦人禪襦作灰傳之

金瘡方

取馬鞭草擣篩薄瘡一宿都差冬用乾葉末

麥門冬散 主金瘡乳癰諸腫煩滿方

麥門冬 去心 石膏 研 拍子仁 甘草 炙各半兩 桂心 壹分

右五味搗篩為散酸漿和服方寸匕日三夜一煩滿氣上
脹逆長服之佳

治金瘡出血多虛竭內補散方

茯苓

芍藥

當歸

芎藭

乾薑

人參

黃芩

厚朴炙

桑白皮

吳茱萸

黃耆

桂心

甘草炙各

蜀椒參分去目及

開口汗者

右壹拾肆味搗篩為散飲服方寸匕日三

治金瘡煩滿方

赤小豆壹升以苦酒浸之熬燥復漬之滿三度色黑治服

方寸匕日三

治金瘡苦不差方

白楊木白皮熬令燥末服方寸匕日三服又以末傅瘡中

即愈

治金瘡刺痛不可忍百方不差方

葱一把水三升煮數沸漬瘡即止

治金瘡煩痛大便不利方

大黃

黃芩等分

右貳味搗篩為末鍊蜜和圓先食飲服如梧子七圓日三
金瘡以桑白皮裹令汁入瘡中或石灰封並妙

凡金瘡出血必渴當忍噉燥食不得飲粥及漿犯即血出殺
人凡白血不止粉龍骨末於瘡上立止

又方 割取人見著鞋上有斷乳十枚布瘡上立止

又方 末雄黃傳瘡當沸汁出即差

又方 刮具子末服壹錢匕

又方 煮葛根食之如食法務令多

兵瘡方擣車前汁傳之血即止

又方 以人精塗之差

又方 以柳絮裹傳之血便止

又方 以熟艾急裹數日乃解

又方 以人尿屎相和絞取汁飲三升頓服令盡

金瘡驚而堅腫劇者殺人方

擣生地黃蟻螬蟲傳之燒瓦熨其外令温地黄燥則易死

冷則易

凡刺在肉中不出方

牛膝根莖擣傳之即出雖已合猶出也

正觀中有功臣遠征被流矢中其背胎上矢入四寸舉天下名手出之不得遂留在肉中不妨行坐而常有膿出不止永徽元年秋令余詠看余為處之瞿麥丸方

瞿麥 貳兩

雄黃

壹兩

半研乾地黄

王不留行

各伍分

麻黃

去節

茅根

敗醬

防風

雀李根皮

牛膝

大黃

藍實

石龍芮

薔薇根皮

各兩

右壹拾肆味搗篩為末鍊蜜和圓如梧子酒服十圓日貳
 稍稍加至貳拾圓以知為度忌猪魚生冷等可直斷口味
 凡箭鏃及折刺入身中四體皆急當合此藥服之令四體
 皆緩緩則其鏃必自跳出余常教服此藥與斷肉逐日日
 漸瘦其鏃遂跳出壹寸戴衣不得行因即錯却乃得行動
 已覺四體大緩不比尋常終冬至春其鏃不拔自然而落
 取而量之猶得三寸半是以身必須斷口味令瘦肉緩刺
 則自出矣故以記之

又方

礲石末傳之止痛斷血

凡金瘡深不用早合若合則以滑石朱粉則不合治凡竹木
 刺在肉中方

以羊矢和猪脂塗之出矣

又方 鹿角末水和塗之即出

治因風水腫方

卒刺涉水成腫取韭并垣擣置上以火灸藥上熱徹即愈

火燒瘡方 取新牛矢承熱塗之

又方 燒桃葉盐和煮作湯洗之

又方 以醬汁塗立愈

又方 桑灰水傳乾則易

又方 井底青泥塗之佳

又方 青羊髓塗之佳 無青羊白黑羊亦得

治灸瘡及湯火所損晝夜啼呼不止兼滅癩方

羊脂 半兩 猪脂 壹分 松脂 半兩 蠟 壹分

右肆味於松明上以小鉢火燒猪脂等皆消以盃承取汁

傅之松明是服松木節也

治灸瘡膿壞不差方

臘月猪脂 壹斤

薤白 拾枚 胡粉 壹兩

右參味先煎薤令黃去之綿裹石灰壹兩煎去之入胡粉膏中令調塗故帛上貼之日三度

又方

白蜜 壹兩 烏賊魚骨

右貳味擣末相和塗上三五度差

治火瘡方

柏白皮 半兩 竹葉 壹兩 甘草 貳兩

右參味以猪膏壹斤煎三沸三上三下藥成去滓待冷塗

之 集驗有地黃肆兩

治漆瘡方

湯漬芒消伍兩令濃塗乾即為勿任

又方 取市上磨刀石槽中泥津塗之

又方 取礬石內湯中洗之

又方 羊乳汁塗之

又方 漆姑草按傳之

又方 末貫衆塗之

沙虱第六

方三十一首

治沙虱毒方 以麝香大蒜合擣以羊脂和著小筒中帶之

又方

雄黃 朱砂 常山 等分

右參味五月五日午時童子合之

又治水毒方

凡水毒中人似射工初得之惡寒頭微痛目眊疼心中煩
懊四肢振愀腰背百節皆強筋急兩膝疼或吸吸而熱但
欲睡旦醒暮劇手足逆冷二三日則腹中生蟲食人下部
肚中有瘡不痛不癢令人不覺急治之過六七日下部出
膿潰蟲上食五藏熱盛煩毒下痢不禁八九日名工不能
醫救矣覺得之當早視若瘡正赤如截者爲陽毒若瘡如
鱧魚齒者爲陰毒猶小緩不過二十日殺人欲知是中水
毒當作五六斗湯以小蒜五升呔咀投湯中消息勿令大
熱去滓以浴若身體發赤斑文者則非他病也

水毒方

擣蒼耳取汁服一升以綿沾汁滓導下部中日三

又方 取蓼一把擣取汁服一升不過三服

又方 取藍一把擣水解以洗面目身令遍

又方

取大苒根末飲之并導下部生蟲者用汁夏月常多賣此藥屑入水浴以方寸匕投水上流無所畏又辟射工凡洗浴以少許投水盆中即無復毒也

蠖螋尿瘡方

取茱萸東引根土以醋和塗

又方

燒鹿角末和醋傳上已有瘡汁出者燒道邊故蒲席傳之瘡表裏相當一名浸淫取猪牙車骨年久者搥破燒令脂出執塗之

蠖螋瘡方

取小豆末醋和塗之乾即易小兒以水和

又方

取棟木枝若皮燒灰傳上乾者膏和亦治小兒禿及諸惡瘡
又方

取槐白皮半斤切醋浸半日去痂洗之日五六

狐尿刺方

凡諸蟪蛄之類盛暑之時多有孕育著諸物上必有精汁
其汁乾久則有毒人手觸之不王相之間則成其疾名曰
狐尿刺日夜疼痛不識眠睡百方治之不差但取僕公英
莖葉根中斷之取白汁塗之令厚壹分塗即差神驗
凡熱傷瘡及狐尿刺腫痛不可忍并風寒者皆馬屎若生桑
木趣得煙多重之汁出即愈

惡刺方

五月蔓菁子擣末和烏牛乳封之無即凡牛乳亦得

又方 取野狐矢燒灰臘月猪膏和封孔上

又方 取桑灰汁熱漬冷即易

又方 以針砂和膠清塗之

又方

取故鞋網如棗大婦人中衣有血者如手掌大到勾棘針
二七枚三味合燒作灰以臘月猪膏和塗之蟲出

又方

蔓青子 伍升

右壹味微熬末研小兒尿壹升合內瘡口中周回厚二寸
以塘火燒一升投內瘡於中漬之立愈

又方 煮槐白皮取湯漬之

又方 以苦瓠煮作湯漬之

又方 取五月五日蛇皮燒灰臘月猪膏和傳之

又方 取故鞍韉旃燒灰臘月猪膏和封之蟲出

又方 取樗根白皮切一升泔漬煮三沸內孔中亦可漬之
肉刺方 割頭令血出內鈇丹如米許暴之

又方 以刀割却以好墨塗遍差

狗齧方

即以冷水洗瘡任血出勿止之水下血斷以帛裏即愈

蛇咬方 以人屎厚塗以帛裏縛登時毒消

蛇毒方 重臺末唾和封差大驗

蛇蜂毒方

取瓦子摩其上唾二七訖然後拋瓦子却安舊處

癭病第七方九首

治五癭方

取鹿厭酒漬令沒火炙乾內於酒中更炙令香含咽汁味
盡更易盡十具即愈

又方

小麥麩壹斤 特生礬石十兩 海藻壹斤

右參味取三年酢一升漬小麥麩暴乾更浸令酢盡各擣為散每服兩方寸匕日四五服藥含乃咽之忌薑辛猪魚生菜辛菜吹火讀誦及大語用氣

又方

昆布參兩 海蛤貳兩 松羅貳兩 海藻參兩 白斂貳兩

通草貳兩 桂心貳兩

右朶味擣為散每以酒服方寸匕日三服

又方

小麥壹升 醋壹升 昆布洗各 海藻洗

右參味擣為散食後飲服方寸匕日二以差為度

又方

昆布 壹兩 海藻 壹兩 海蛤 貳兩 半夏 壹兩 細辛 壹兩

土瓜 壹兩 松蘿 壹兩 通草 貳兩 白斂 貳兩 龍膽 貳兩

右壹拾味 搗篩酒服方寸匕 日再不得作生活勞動也

又方

昆布 貳兩

右壹味 切如指大 酢漬含咽汁盡愈

又方

海藻 壹斤 小麥麩 壹升

右貳味 以三年酢一升 以溲麩末暴乾 往反令酢盡 合搗

散酒服方寸匕 日三忌怒

陷脉散主二十三十年癭瘤及骨瘤石瘤肉瘤膿瘤血瘤或

大如杯盂十年不差 致有漏潰令人骨消肉盡 或堅或軟 或

潰令人驚惕寐卧不安 體中掣縮愈而復發 治之方 陷腫散

烏賊魚骨壹兩 白石英半兩 石硫黃壹分 紫石英半兩

鍾乳粉半兩 乾薑壹兩 丹參叁分 琥珀壹兩

大黃壹兩 蜀附子壹兩炮

右壹拾味擣為散貯以韋囊勿令洩氣若瘡濕即傳無汁者以猪膏和傳之日三四以乾為度若汁不盡者至五劑十劑止勿惜意不作也著藥令人不疼痛若不消加芒消二兩益佳燕金有胡

治癭方

昌蒲貳兩 海蛤壹兩 白斂壹兩 續斷壹兩 海藻壹兩

松蘿壹兩 桂心壹兩 蜀椒壹兩 羊靨貳百枚炙

神麴叁兩 半夏壹兩 倒挂草壹兩

右壹拾貳味各擣下篩以醬清牛羊髓脂丸之一服三丸如梧子日一服

陰病第八方一十四首

治丈夫陰下癢濕方

以甘草一尺水五升煮洗之生用

又方 以蒲黃粉之不過三

治丈夫陰腫大如斗核中痛方

雄黃壹兩 研粉 礬石貳兩 研 甘草壹尺 生用

右參味以水壹斗煮取二升洗之神良

治丈夫陰頭癰腫師所不能醫方

鼈甲壹枚

右壹味燒焦末之以雞子白和傳之

治丈夫陰頭生瘡如石堅大者方

刀刮虎牙及猪牙末猪脂煎令變色去滓日三塗之

又方 烏賊魚骨末粉之良

治妬精瘡方

丈夫在陰頭節下女人在玉門內似甘瘡作白蝕之大痛其甘即不痛以銀釵絲纏臘月猪脂熏黃火上煖以釵烙瘡上令熟取乾槐枝油塗之以麝香傳瘡上令香黃礬膏礬末傳之小便後即傳之不過三度

治男女卒陰中生瘡癢濕方

黃連

梔子

各貳兩

甘草

壹兩

蛇牀子

二分

黃蘗

壹兩

右伍味下篩粉之乾者以猪脂和塗上深者絲裏內中日三治下部痛癢生瘡槐皮膏方

槐白皮

伍兩

赤小豆

合一小

白芷

貳兩

棟實

伍拾枚

桃仁

伍拾枚

去皮

甘草

貳兩

當歸

貳兩

右柒味切以苦酒漬一宿旦以猪膏一升微火煎白芷黃即成去滓摩上日再并內下部中三寸差

治陰莖頭瘡方

當歸 參分

黃連 半兩

桃仁 貳兩去雙仁 小豆 壹分

槐子 半兩

右伍味作末粉瘡上日三

治陰頭生瘡方

蜜煎甘草塗之即差大良效

治陰瘡黃汁出方

煮黃蘗汁冷漬傳蛇牀黃連末極效

又方

桃仁二七枚熬令黃去皮尖雙仁末之酒服良

又方

生地黃一把并葉搗取汁飲之良

千金翼方卷第二十